

# *NDOVHEDZO YA*

## *MUYA MUKHETHWA*

 Ndo takala vhukuma u ni vhona nga vhunzhi madekwana ano, phanda ha musi ndo ni fareledza u swika vhusikukati madekwe. A tho ngo humbula uri nothe ni do da madekwana ano, fhedzi zwi vhonala u nga ni khou do da kha tshikolo tsha Swondaha, huno izwo ndi zwavhuđi.

<sup>2</sup> Zwino ri khou guda na u lingedza u sokou dzhia tshifhinga tshashu n̄tha ha heyi Pfunzo ya tshivhidzo. Huno ndo sokou I funza. Huno zwino, hu nga vha hu na vhatsinda vhukati hashu, vhane a thi vha divhi. A thi wanalesi fhano thaberenakeleni lwo edanaho u divha uri ndi ufhio murado wa tshivhidzo. Fhedzi ndi divhadza uri hezwi ndi zwa mirado ya tshivhidzo fhedzi. Ngauri, nn̄da, vhatthu vha na pfunzo nn̄zhi dzo fhambanaho vhukuma, na zwiñwe zwinzhi. Zworalo, huno, vha a tenda hezwo zwithu. Vho funzwa u zwi tenda. Huno—huno—huno zwenezwo musi ni tshi da kha tshiñwe tshivhidzo, khañwe, vha funza zwiñwe zwithu zwo fhambanaho vhukuma, zworalo, zwenezwo vha humbula, “Vha ri, a thi tendelani na Izwo.” Ni a vhona? Zworalo, a ri zwi iteli u vha vha tshiñhu kana u vhaisa muñwe muthu, muhumbulo wa uri ri ite izwi. Zwino, ni tenda zwiñwe na zwiñwe zwine na ḥoda. Fhedzi riñe ri...ndi khou vheya izwi, huno ndi khou tea u zwi ita uri zwi vhe zwo khwañhaho vhukuma, ngauri ri khou tea u zwi ombela phasi. Hezwi ndi zwine thaberenakele ya imela zwone, ni a vhona, zwi tou vha zwine ra imela zwone fhano. Huno, nga iyo ndila, ri nga si tame ni tshi khakhisea na humbula u nga ri khou lingedza u ni vhaisa kha u tenda hanu, kana tshiñwe tshithu tshi nga ho itsho. A si izwo na luthihi. Huno hezwi ndi...

<sup>3</sup> Ri ita izwi lwa miñwaha mivhili kana miraru miñwe na miñwe, henefha, na zwine ra imela, i tou vha pfunzo, zwine ra imela, na uri ndi ngani ri tshi zwi ita. Mulandu, ndi ngani ri tshi tenda Izwi. Huno arali hu na vhatsinda afha vhane vha si vhe—vhe mirado ya tshivhidzo, ro takala vhukuma u vha na vhoinwi kha ino nyambedzano matsheloni ano na nga madekwana hafhu.

<sup>4</sup> Huno, zwenezwo, nga Lāvhuraru vha do thoma fulo lo doweleaho kha muñangano, ndi amba uri, fhano thaberenakeleni. Huno ndo vha ndi si ho lwa tshifhinganyana, kha u awela zwiñuku. Ndo vha ndo ita nga u tou ralo, ndo neta nga maandja, nahone nda tea u ḥuwa, u awela zwiñuku. Huno ndo tou vhuya, ndi di pfa zwavhuđi, ndi pfa ndi wavhuđi. Huno ndi do vha ndi tshi khou ḥuwa hafhu, nga u ḥavhanya musi hezwi

zwi tshi fhela, huno a thi nga vhuyi u swika nga Phando. A thi khou ya kha miñwe miñgano; ndi khou tou ḥuwa, u isa phanđa na u awela he nda vha naho.

<sup>5</sup> Fhedzi, musi ri tshi vhuya, ri wana tshivhidzo tshi kha luñwe lushaka lwa u dinaleanyana afha na afho, huno miñwe ya mirađo vha nga vho dzhena kha u dudela hułuku, u kokodzela kule, vho farana nga mbilu zwiłuku nga tshavho, na zwiñwe zwinzhi zwi nga ho izwo. Ndo ḥtinga-tinga, u bva kha muñwe u ya kha muñwe, u swikela ri tshi ita uri izwi zwełhe zwi onyoloswe. Zwo luga. Ni a vhona?

<sup>6</sup> Huno a hu na tsho khakheaho. Ho vha hu si na zwe khakheaho kha murađo na muthihi. Vhołhe ndi vhanna na vhasadzi vhavhudı. Arali vha nga tou limuwa uri ndi diabolo, o dzenahao vhukatini ha vhathu. Hezwo zwi tou vha zwone vhukuma. A si vhathu. Arali na nga tou ita uri murathu a vhone izwo, zwenezwo ha nga fari muñwe nga mbilu. U na... U do—u do pfa a si wavhudı. U do pfa u nga, "Zwo ralo, ndi... Ndi pfela vhutungu murathu wanga." Ni a vhona, arali o ita zwe khakheaho, mulandu, ho vha hu si murathu. Ho vha hu diabolo we a ita izwo.

<sup>7</sup> Ni ri, "Zworalo, hoyu muthu o ita *itshi*, *itshi* tshithu." Murathu wanu ha ngo zwi ita izwo; khaladzi anu ha ngo ita izwo; ho vha hu diabolo o dzenahao khavho, we a ita izwo. Ngauralo ni so ngo swaya phoswo murathu, khaladzi; swayani phoswo diabolo, hoyo ndi ene o zwi vhangaho.

<sup>8</sup> Huno zwino kha dzino Pfunzo dza tshivhidzo, zwino, dzi nga vha dzi dzisili kha vhoinwi. Dzi nga vha dzi nga ndila ine ni nga si tendelane nadzo, na luthihi. Fhedzi ri sokou... Hezwo ndi zwone zwine ra tenda. Ri a zwi tenda ngauri zwi Bivhilini, nahone ri zwi funza nga yeneyo ndila.

<sup>9</sup> Zwino, madekwe, theroyashu yo vha i tshi ri: *Ndi Ngani Ri Si Dinomineisheni?* Zwino, ri tshiimiswa ngauri ri tshivhidzo, fhedzi a ri dinomineisheni. Huno hafhu ndo vha ndi khou ḥea muhumbulo wa uri ndi ngani ri si dinomineisheni.

<sup>10</sup> Zwino, musi ri tshi vula nyambedzano matsheloni ano, phanđa ha musi ri tshi ita izwo, a ri rabele.

<sup>11</sup> Mudzimu a Funeaho, ndi kha Vhuhone Hau Vhukhethwa hune ra da hafhu u humbela u ḥanzwiwa mihumbulo yashu, mimuya yashu, u itela uri ri ḥivhonadze kha Iwe sa zwi shumiswa zwine U nga kona u shuma khazwo, na nga khazwo, u itela vhugala Hau. Huno, Khotsi, ḥanzwa ngelekanyo dzanga, na muhumbulo wanga, na u amba hanga, uri hu si vhe ḥne ane nda a mba; fhedzi Muya Mukhethwa u ḥolise meme, dza vumba, hu uri dzi bveledze Ngoho ine Mudzimū Ramaanda othe a ḥoda Tshivhidzo Tshawe tshi tshi i ḥivha.

<sup>12</sup> Huno ri a U humbela, zwenezwo, Murena, arali Wa ita hezwo, uri U bvisele kule dimoni ḥinwe na ḥinwe ḥa—ḥa khakhathi,

na dimoni linwe na linwe la vhuswina na vhutshivha, kule na vhathu, uri vha pfe Muya Mukhethwa u tshi amba, uri Mudzimu a ḥanganedze vhugala u bva kha u kuvhangana hashu rothe matsheloni ano. Huno arali hu na tshiñwe tshithu mbiluni dzashu tshire a tshi ho vhukuma kuma kha nyimele, hune U nga amba na rine, Oo Mudzimu, zwi bvisele kule na rine, vhu nga Vhubvaduvha hu kule na Vhukovhela. Ngauri, ri do divha lufuno lwa Mudzimu fhedzi, u lu ita. Zwenezwo ri range nga Muya Mukhethwa Wau, kha ino nyambedzano i ḫaho kha Tshivhidzo na Pfunzo Yatsho, na zwine Tsha imela zwone, na uri ndi ngani Tshi tshi imela izwo. Ngauri ri zwi humbelia Dzinani la Yesu. Amen.

<sup>13</sup> Zwino, madekwana o fhiraho ro vha ri khou nea wone—wone muhumbulo wa uri ndi ngani ri si dzangano la dinomineisheni. Huno ra... U tou itela mvulatswinga ḥukhu ya izwi. Ndi ngauri ri wana, uri, kha dinomineisheni, i ola phandekano.

<sup>14</sup> Zwino, ri na zwithu zwinzhi zwa u amba nga hazwo. Nahone ro zwi amba, uri ngani ri sa ḥanganedzi vhareri vha vhasadzi tshivhidzoni, vhusiku ho fhiraho.

Huno matsheloni ano ri ḫodau, thero, arali ra kona: *Ndovhedzo Ya Muya Mukhethwa*, na uri ndi ngani ri tshi tenda kha ndovhedzo ya Muya Mukhethwa, na uri ndovhedzo ya Muya Mukhethwa i ḫa hani, na uri I ita mini, nahone I ita hani uri ni tshile u ya phanda.

<sup>15</sup> Huno zwino madekwana ano, arali Murena o funa, ndi ḫodou amba nga thero, “Mbeu ya ḫowa, ya hezwi kha ano maduvha.” Zwino, vhathu a vha tendi kha mbeu ya ḫowa, fhedzi ndi Manwalo. Ni a vhona? Zwino, hu si na ndavha ya...

<sup>16</sup> Zwino, hezwi, arali nda ita hezwi uri zwi vhe zwo khwaṭhaho, a thi ambi izwi zwino kha vhoiñwi—kha vhoiñwi vhathu vha funeaho. Zwithu zwi zweṭhe zwine nda khou edzisa u zwi ita ndi u zwi ombedzela, huno ri khou ya u zwi ita zwi konḍaho, ni a vhona. Zwenezwo ni tea u amba vhunga... Ni ri, “Johnny, ṭuwani ni yo dzula phasi,” zwi nga itea a si thetshelesa izwo. Fhedzi na ri, “Johnny, dzulani phasi!” Johnny izwo u do zwi thetshelesa. Huno zwino ri khou ya u huwelela, “Johnny, dzulani phasi,” matsheloni ano. Ni a vhona? Zweṭhe zwo luga. Ndi ḫodou zwi amba uri ni pfesese zwine ra sumbedza. Ni a vhona?

<sup>17</sup> Huno arali ra amba zwinwe zwithu zwi hanedzanaho na ngelekanyo dzañu, na lutendo lwañu, a ri tshithu tshithihi... Humbulani, uri, kha hetshi tshivhidzo tshi re dinomineisheni yo ḥanganaho, ri a tenda uri Baphuthisi, Methodisi, Phuresibatheriene, Luṭere, Katolika, Poretantsi, Vhayuda, nnyi na nnyi, fhedzi musi a murathu, ndi murathu washu, hezwo ndi zwone zweṭhe, hu si na ndavha dinomineisheni ine a wela khayo. Mudzimu ha nga do mu vhona mulandu nga izwo, u vha kha dinomineisheni.

<sup>18</sup> Fhedzi, mbuno ya uri dinomineisheni dzi ralo. Zwino, hafha ndi zwe zwa thoma dinomineisheni. Mudzimu u do dzumbulula zwithu zwiṭuku kha muňwe muthu, nahone vha do da vha ita dinomineisheni u mona na ulwo lutendo lune vha vha nalwo, huno Mudzimu a nga si tsha tshimbila a tshi ya phanda.

<sup>19</sup> Zwi nga itea hani uri vha Methodisi vha ḥanganedze tshiňwe tshithu nndani ha mushumo wa vhuvhili wa tshilidzi? Vho ḫidinomineita fhasi ha izwo. Vha Baphuthisi vha vhuya vha tenda hani tshiňwe tshithu tshi re nn̄ha ha zwine vha... “Vho luga...” Kana, Vhaluṭere, kha ndi ralo, “Vho lugaho vha do tshila nga lutendo.” Hezwo ndi zwone zwe vha ḫidinomineithela fhasi hazwo. Vha Baphuthisi vha nga ya hani phanda u fhira he vha ya hone? “Ngani, musi ni tshi tenda, ni ḥanganedza Muya Mukhethwa. Huno na lwovhedzwa madini, huno izwo zwi a li ladza.” Ngani? Hezwo ndi zwine vha khou dinomineita fhasi hazwo. Ni a vhona? Ndi ngani lutendo lwa Pentekoste, uri, “Musi ni tshi amba nga ndimi, ni na Muya Mukhethwa, huno izwo zwi a li ladza”? Ndi ngauri vha khou ḫidinomineita fhasi hazwo. Mukomana, izwo zwithu zwi nga vha, muňwe na muňwe, zwoṭhe zwo luga, fhedzi Mudzimu ha nga vhofhei na dinomineisheni na nthihi. U tou fhira n̄ha ha zwoṭhe, hezwo ndi zwone. Huno—huno ri—ri a tenda izwo.

<sup>20</sup> Huno iyo ndi yone mbuno ya uri ri sa vhe dinomineisheni. Murena o ri ḫea tshikhala tsha u ḥanganyisa hetshi tshivhidzo tshiṭukutuku kha dzidinomineisheni nnzhi dzo fhambanaho, fhedzi a ri zwi iti. Ngauri, ri khou ḫoda u dzula vhunga zwenezwi uri ri vhe fhasi ha vhulanguli na ḫoho ya Yesu Kristo. Izwo ndi zwone. Tshiňwe na tshiňwe tshine A ri dzumbululela, huno ri do vhona uri ndi Ngoho, huno hafhu zwi tshimbila kha mutalo na Ipfi Lawe, ndila yoṭhe murahu na phanda kha Bivhili, uri ndi Ngoho, huno Muya u khou tendelana nazwo, a ri na mielo ya dzidinomineisheni ine ya nga ri fareledza kha u ḥanganedza Izwo. Ri isa phanda ngoho Nazwo, huno ra bvelela phanda.

<sup>21</sup> Zwenezwo musi dinomineisheni i tshi amba izwo, vhunga tshivhidzo tsha Kristo, vha fhasi ha dinomineisheini, i no vhidzwa u pfi Tshivhidzo tsha Kristo, izwo, “Maduvha a mađembe o fhira, huno na zwiňwe zwoṭhe zwi nga ho izwo.” Ngani, ni nga vhuya na zwi wanafhi izwo kha Luňwalo? Fhedzi a hu na zwine vha nga ita nga hazwo. Vho ḫiita dinomineisheni fhasi ha izwo, ni a vhona, zwenezwo a hu na zwine na nga ita nga hazwo.

Fhedzi ri ḫoda u vha vho vhofholowaho, hune ri nga tshimbila musi Muya u tshi ri tshimbidza, nga vhudzivha ho tsaho na nga vhulapfu ho lapfaho, huno na u isa phanda na u tshimbila, na u ya, hoṭhe na hoṭhe.

<sup>22</sup> Fhedzi ri nga si ṭanganedze vhusweleli ho kalulaho na vhuthihi. Ri ola mutalo heneffo. Arali muñwe muthu a nga wana zwiñwe zwithu zwiñku zwe Murena vha mu dzumbululela, huno zwi sa fani na Bivhili, u pfuka kha Bivhili u bva kha Genesi u fhira u ya kha Nzumbululo, zwa vha pfunzo, zwenezwo a ri nga zwi ṭanganedzi. Ni a vhona? Zwi tea u bva kha Bivhili. Huno zwi nga si bvelele nga nzumbululo ya muñwe muthu. Arali nzumbululo i tshi tendelana na Ipfi, zweþhe zwo luga.

<sup>23</sup> Munna o ða kha nñe, tshiñwe tshifhinga tsho fhiraho, huno a ri, "Ndi kha ði tou bva u ða United States, Mukomana Branham." A ri, "Zwino, ndo ðowelana na muñwe khaladzi wa Mukriste, huno," a ri, "hoyu khaladzi wa Mukriste o vha muñwe wa vhasadzi vha funeaho. Fhedzi," a ri, "vho ða vha wana uri u na vhanna vhararu kana vhaña. Huno," a ri, "hezwo-hezwo, heneffo musi ndo mu ðivha, u bva tshe nda vha afha miñwedzi miraru, o litsha muñwe a mala muñwe." Huno a ri, "U na Muya Mukhethwa, u dzulela u amba nga ndimi lwo khunyelelaho tshifhinga tshoþhe, tshiñwe tshifhinga, huno," a ri, "a ñea zwiporofito na nzumbululo." A ri, "O vha a musadzi wa vhukuma o qadzwaho nga Muya. Huno o vha a mufumakadzi wa mureri." Huno a ri "Nda þuwa nda vhudzisa Murena, 'Ndi ngani izwi na izwi zwithu zwi tshi rali? Ndi ngani uyu musadzi a tshi nga ita zwithu zwo ralih sa izwi?'" Huno a ri, "Ndo vha na muloro wa mufumakadzi wanga. Huno mufumakadzi wanga o vha a khou funana na muñwe munna, zwine zwo vha zwi vhuada. Huno zwenezwo," a ri, "a ða a gwadama tsini ha miledzhe yanga a ri, 'Naa u ðo nkhangwela kha zwe nda ita?'" A ri, "'Zwahukuma-kuma, ndi a u hangwela.' Huno a ri, 'Ndi ngani u tshi nkhangwela zwo leluwa nga u rali?' A ri, 'Ngauri ndi a ni funa.'" Huno a ri, "Murena o amba murahu kha muloro a mmbudza, izwo, 'Ndi nga zwo ndo mu hangwela, ndi ngauri ndi a mu funa'"

<sup>24</sup> Nda ri, "Muñe wanga, muloro wau wo vha u wavhudzi zwiñhulu. Wo vha wa u difhelela zwiñhulu, fhedzi Murena ha ngo vhuya a ñea hoyo muloro. A u tendelani na Ipfi Lawe." Hezwo ndi zwone. A u nga shumi na Ipfi Lawe. Hu si na ndavha uri u vhonala u wa vhukuma, u tea u bva kha Ipfi.

<sup>25</sup> Kha Thestamennde Ndala, vho vha vhe na ndila tharu dza u ðivha mulaedza. Ya u thoma, zwi khagala, ho vha hu mulayo; i tevhelaho, ho vha hu nga muporofita; i tevhelaho, ho vha hu nga mulori. Zwino, mulayo wo vha u luñwalo lo ñwalwaho lwe lwa vha lu tshi vhewa kha mbulungelo, huno iyo yo vha i ndaedzo nahone hu mulayo wa ndaedzo. Huno muporofita o vha a tshi nga porofita, kana mulori a lora muloro. Zwine, Mudzimu a shuma nga ndila dzoþhe, nga vhaprofita na nga miloro. "Arali hu na muñwe vhukati hañu a re wa tshimuya, kana muporofita, Nñe Murena ndi ðo Didivhisa khae nga kha—kha—kha—kha miloro, huno ndi ðo Didzumbulula khae nga kha mabono. Huno arali

zwine a amba zwa bvelela, zwenezwo mu pfeni, ngauri Ndi nae. Arali zwi sa bvelele, zwenezwo ni so ngo mu pfa.”

<sup>26</sup> Zwino, musi vha tshi dzhia muporofiti, muporofita, kana mulori, huno (vha) a na muloro kana tshiporofito, huno vha ṭoda u wanulusa uri izwo zwo vha zwi ngoho kana zwi si ngoho, vha mu dzhia vha mu isa kha zwe zwa vha zwi tshi vhidzwa u pfi Urim Thummim.

<sup>27</sup> Zwino, ndi a divha uri hezwo zwi nga vha zwi, kha vhañwe—vhañwe vha vhoiñwi, ipfi liñuku li konđaho. Fhedzi zwe zwa vha zwi zwone, zwo vha vhukumakuma zwi... Aroni a tshifhe muhulwane kha—kha tshaka dza fumi dza Israel, o vha e na matombo a rathi kha thungo iñwe na iñwe ya khanzu. Huno tombo liñwe na liñwe lo vha li tombo la mabebo kha lushaka, vhunga lushaka lwa Yuda, lushaka lwa Gad, lushaka lwa Rubeni, lushaka lwa Benjameni. Luñwe na luñwe lu na tombo la mabebo. Huno zwino musi tombo la mabebo... Lo vha li tshi vha lo nembelela kha iñwe ya dziphuphu tshivhidzonî, kana kha phuphu. Huno musi vha tshi disa hoyu muporofita a re na tshiporofito we a ri Murena u khou ya u ita zwiñwe zwithu, huno vha mu disa phanda hafha, huno a amba tshiporofito tshawe, kana a amba muloro wawe. Zwino, arali Mudzimu o vha a kha hoyo muloro kana hetsho tshiporofito, zwezwo zwiedza zwi thoma u ṭangana zwa ita vhunga muvhala wa musengavhadzimu u tshi sumbedza, phindulo ya Zwi re n̄tha ha mupo. Ni a vhona? Hezwo ndi zwone. Zwi tshi tendelana na tombo liñwe na liñwe li re hone afho, tombo liñwe na liñwe li tshi ṭanganyisa tshipida tshało, li tshi sumbedzela murahu na phindulo ya Mudzimu, “Hoyo munna ndi muporofita. U khou amba ngoho.” Kana, “Hoyo muloro wo vha wo rumelwa nga N̄ne.” Fhedzi arali ya sokou dzula i si dzingleye, a thi na ndavha uri zwi vhonala u wa ngoho u swika gai, wo vha wo khakhea. A vho ngo u ṭanganedza.

<sup>28</sup> Tsumbedzo ya vhudi hani namusi. Zwino, Urim Thummim ya Thestamennde Ndala yo fheliswa, ngauri ho shandukisa vhutshifhe. Huno zwino Urim Thummim ndi Ipfi la Mudzimu, Bivhili. Ee, muñe wanga. Hafha ngomu, Bivhili yo ri, “Litshani ipfi liñwe na liñwe la muthu li vhe mazwifhi, huno Langa li vhe ngoho.” Huno hu si na ndavha uri zwi vhonala zwa zwa vhukuma hani musi muthu a khou li amba, kana uri muloro wawe u vhonala u wa vhukuma hani, kana nzumbululo yawe, arali, Bugu iñwe na iñwe Bivhilini, Bivhili yothe, a i sumbedzi tshedza Khayo, uri ndi Ngoho, zwi litsheni zwo ralo, zwi litsheni zwo ralo.

<sup>29</sup> Zwino, ni nga dzhia tshipida tshiñuku tsha Mañwalo hafha, huno na ri, “Yesu o ita *hezwi na hezwi* huno ri khou tea u ita zwi fanaho,” ni nga zwi ita uri I ambe tshiñwe na tshiñwe tshine na ṭoda I tshi amba. Fhedzi zwi tea u bva zweøthe hothe nahone zwi tendelane na Ipfi la Mudzimu, zwenezwo ndi zwone,

hezwo ndi Mudzimu a khou zwi ambisa zwezwo. *Heyi* ndi Urim Thummim Yawe.

<sup>30</sup> Ngauralo, Mudzimu ha ngo vhuya a vha, kha murafho na muthihi, a vha na zwivhidzo zwa dzidinomineisheni. Vhoinwi vhudzani nne uri ndi lini. Huno, zwino, a ho ngo vhuya ha vha na dinomineisheni u swika miñwaha ya madana mararu na furathi phanda ha lufu lwa mufunziwa wa u fhedza. Hetsho tsho vha tshi tshivhidzo tsha Roma Katolika. Huno nnda ha... Tshivhidzo tsha Roma Katolika, Mudzimu o tshi vhidza, kha Bivhili, Nzumbululo 17, “phombwe.” Hoyo ndi mufumakadzi o tshikafhalaho. Huno nnda ha hezwo, u na vhananyana, huno havho vhananyana ndi dziphombwe, vho tshikafhala vhunga o vha e zwone. Hezwo ndi zwine Mañwalo o amba. Huno tshivhidzo tsha Roma Katolika tsho beba Poretantsi dzothe, huno vho humela murahu vha ita zwithu zwithihi zwe tsha ita.

<sup>31</sup> Huno mbuno ya uri tshi vhe tsho tshikafhalaho, tshi na khaphu ya dzipfunzo kha tshanda tshatsho, waini ya mbiti ya vhupombwe hawe. Huno a dzi nea dzikhosi dza shango, huno o dzula nt̄ha ha “mađi manzhi,” huno u vhusa nt̄ha ha vhavhusi vha shango. Ri zwi wana two ralo Bivhilini. Ri wana uri o vha o dzula nt̄ha ha thavha dza sumbe, tshivhidzo. Ri a zwi wana. Ri wana uri o vha o dijama nga khare thar: maanda a hele, litaqulu, na vhudzula vhafu. Ngoho. Huno ndi munna o vha a muvhusi watsho; o vha a mulwa na kristo, o dzula thembeleni ya Mudzimu, a khou disumbedza uri u Mudzimu, a tshi hangwela zwivhi shangoni. Ri na izwi zwe the, ro tshimbila khazwo huno ra vhona uri ndi zwone.

<sup>32</sup> A ri, “Afha ndi kha uyo a re na vhuṭali.” Ri wana uri Muya u dzulela u amba zwi khagala, “Kha uyo a re na vhuṭali; kha uyo a re na ndivho; khae, mimuya yo fhambanaho, dzimpho.” Naa a ni vhoni Mudzimu a khou tshimbidza itslo Tshivhidzo maduvhani a u fhedza? Hu khou tea u vuwa Tshivhidzo tsho dalaho dzimpho dza tshimuya, dzimpho dza vhukuma dza Mudzimu. “Afha ndi kha uyo a re na vhuṭali. Kha vhe ane a vhala ḥomboro ya livhanda, ngauri ndi ḥomboro ya muthu. ḥomboyo yawe ndi madana a rathi na furathi-rathi.” Huno ro wana uri izwo zwo vha zwi gai, zwavhukuma-kuma. Zwi nga si vhe zwo khunyelelaho u fhira afha. Zwi ḥwaleni fhasi, ini muñe, mu “vicarivs,” zwine zwa vha vicar ya Kristo, mu “filii” wa Mudzimu, VICARIVS FILII DEI, huno ni vhone arali zwi sa iti, kha nyumerala dzanu dza Roma, huno ni vhone arali ni sa do wana madana a rathi na furathi-rathi. Ni vhone arali zwi sa dzuli, hu si ri nt̄ha ha zwiñwe zwithu zwine zwa do ni fha khumbulelo *izwi* na *izwo*, fhedzi fhethu hu fanaho na hune mañwe Mañwalo a amba uri zwi do vha zwo dzula.

<sup>33</sup> Huno zwino ri fhano, vha Poretantsi, vha khou bva. Zwino, zwine ra khou lingedza u ita namusi ndi u bvisela nnda na u sumbedza pfunzo ye tshivhidzo tsha Katolika tsha bvisa,

huno tsha, ro zwi dzhia hone heneffa kha tshivhidzo tsha Poretantsi. Huno ri khou nea izwo kha vhatu, ine ya vha ngilasi nthihi ya vhupombwe ha tshimuya he tsha nea. Ngauri, a zwi ho Luñwaloni. Zwo itwa nga muthu. Ndi tshiporofito tsha mazwifhi. Ndi mazwifhi. Ndi zwa diabolo.

<sup>34</sup> Huno zwino ri wana uri, u wana mvulatswinga thuku, u sumbedza uri, murafho une ra khou tshila khawo. Huno ro zwi gavha madekwana o fhiraho, zwauri, nwa—nwana o bebwaho nn̄da ha mbingano, nwana o qaho nga nn̄da ha mbingano, o vha a sa q̄i kha tshivhidzo tsha Murena lwa mirafho ya fumi na miña. Heyo ndi miñwaha ya madana maña; minwaha ya fumiñha kha murafho. Tshiñuhu tsho vha tshi na tshivhi hani! Tshiñuhu tshi ngafhani, hu si tsho vha, fhedzi zwine tsha vha zwino. Huno arali izwo ho vha hu fhasi ha mulayo . . .

<sup>35</sup> Huno Kristo o da u hudza mulayo. O ri, “No vha pfa vha tshi ri, vhala vha tshifhinga tsha kale, ‘Iwe u so ngo vhulaya’; fhedzi Nne ndi ri kha iwe, nnyi kana nnyi o no kwatela murathu wawe, hu si na tshivhangi, o no vhulaya kale.” O u hudza. “No vha pfa vha tshi ri, avho vha zwifhinga zwa kale, ‘Iwe u so ngo ita vhupombwe,’ heyo yo vha i nyito; fhedzi Nne ndi ri kha iwe, nnyi na nnyi ane a lavhelesa kha mufumakadzi, lwa u mu emula, o ita vhupombwe.” O u hudza, lwa zwigidi na zwigidi. Zwo luga, arali zwo dzhia mirafho ya fumi na ina uri izwo zwi fhele, huno zwi ngafhani musi ngilasi ya u hudza ya Mudzimu yo posiwa khazwo?

<sup>36</sup> Huno vhatu namusi, maswuhanan nn̄da zwikoloni zwa n̄tha, vha na dziphathi dza mahalwa, huno vha tshi khou nwa, huno vha tshila . . . huno vhasidzana vhañku vha tshi khou tshila kha vhupombwe, vhatukana vhañku, huno na zwithu zwi ngaho izwo. Ndi murafho wa hani une wa khou da phan̄a ha hoyu? Ndi tshini tshi ne tsha ita uri vhasidzana vhañku vha ite nga iyo n̄dila? Vho mme avho vho vha tshi tshila na u ambara lwa tshi zwino, vho makhulu wavho vha mukegulu vho vha vhe musidzana wa dzikhorasi. Huno O ri U ñ do dalela vhutudzi ha vhabebi kha vhana na vhana vha vhana, u swika kha murafho wa vhuraru na wa vhuña. Ni nga lavhelela mini zwi fhiraho?

<sup>37</sup> Huno musi zwithu zweþhe zwi tshi thoma u bvuda, huno mbeu ya vhudi ya thoma u dzulela thungo, itshi khou sekena na u sekena. Huno vhavhi vha isa phan̄a, vha vha vhurereli vhukuma, vha tshi khou isa phan̄a na u vha vhavhi, vha vha vhavhi na u vha vhavhi, a hu na zwa u ita fhedzi u tshinyadza zwithu zweþhe vhunga O ita murahu hangei kha u tshinyadzwa ha kale nga miðalo. Ngolekanyo inwe na inwe ya muthu i khou isa phan̄a na u dadzwa nga tshivhi. Tshiñwe na tshiñwe tshire muthu a humbula nga hatsho ñamusi ndi bodelo la halwa, kana vhañwe mufumakadzi, kana u gidima nn̄da, a vha koni u tshila lwa ngoho kha vhafumakadzi vhavho. Vhatukana a vha koni u tshila lwa vhukuma kha vhasidzana vhavho.

Vhasidzana a vha koni u tshila lwa ngoho kha vhatukana vhavho. Ngani, vha fhethu hune u swika diabolo tshi tshi vha vhofha vhukuma na u vha qadza nga mimuya mivhi, zwithu zweithe zwe no vha khanganyelo ya tshivhi. Heyo ndi yone mbuno ri kha ilo duvha. Huno izwo ndi mbuno ya uri Russia i tambe vhukumakuma zwandani zwa Mudzimu, u thuthubisa hezwi zwithu hafha. Bivhili i ralo. Ngoho-ngoho. Mudzimu u khou shumisa khomunisi. U do i shumisa. Khomunisi i do tshinyadza zwithu zweithe, u ya nga Linwalo, huno ri kha ilo duvha.

<sup>38</sup> Zwino, u bvisela hezwi zwithu nn̄da, ni a vhona. Thethelesani, vhathu, ni khou livhana na hezwi. Huno ni, zwi... Hezwi zwi amba vhuyo hanu ha Lini na lini, ngauralo ni so ngo zwi dzhia sa zwithu zwi leluwaho. Zwi lavheleseni kha—kha Urim Thummim ine ya khou kwama, uri zwi kwama hani Maipfi.

<sup>39</sup> Zwino, musi ri tshi khou amba nga ha hezwi zwithu, lavhelesani arali zwi tshi tendelana na Bivhili, lavhelesani arali zwi tshi farana na zwine Maiwalo a amba.

<sup>40</sup> Zwino, tshivhidzo tshiñwe na tshiñwe, vhunga ni tshi ri, "Ndi Mukriste." "Ndi ifhio dinomineisheni ine na wela khayo?" Ndi ifhio phambano ine zwa ita, ndi ifhio dinomineisheni ine a wela khayo? Ri limuwa uri dinomineisheni a i na mushumo na Bivhili ya Mudzimu. Huno dzidinomineisheni dzothe dza Poretantsi ndi dziphombwe. Bivhili yanu yo ralo. Musi ni tshi ri ni wa Methodisi, ni phombwe ya Methodisi. Ni ri ni wa Baphuthisi, ni phombwe ya Baphuthisi. Musi ni tshi ri ni wa Pentekostała, ni phombwe ya Pentekostała. Izwo ndi zwe Bivhila ya amba. Ngauralo, u tou vha, "Mme a dziphombwe." Zwino, arali hezwo hu zweithe zwine na vha nazwo...

<sup>41</sup> Zwino, arali ni khou vha na vuṭama kha hedzi dinomineisheni huno ni Mukriste, ni Mukriste; huno a ni wa Methodisi, a ni wa Baphuthisi, a ni wa Pentekostała. Ni Mukriste. Hu si, ngani, hu di nga na...

<sup>42</sup> Ndo pfa nyambedzano matsheloni ano kha radio, musi ndi tshi khou lugela u da tshivhidzoni, kha heyi ya Vhakriste nyambedzano ya ṭafulani hafha Louisville. Huno zwivhidzo zwe no dzenisa mbekanyamushumo ya u dededza vhana vhavho uňwa ha tshi zwino.

Ri khou ya u bveledza mavhuthu a matsilu-de? Ndi ngani zwe rali? Ndi ngauri vho mme avho na vho khotsi avho hayani a vha qivhi tshithu nga ha Mudzimu u fhirwa nga Muhotentotsi a tshi qivha nga ha madekwana a Egipita. Tutshelani zwithu zweithe. A ni tei u diita wa... u diita wa tshizwino. Ni vha wa tshidakwa musi ni tshi ita hezwo. "Oo, ri do mu litsha a ita *hezwi*, na mu litsha a ita *hezwi*," huno na zwinwe zwinzhi zwi ngaho izwo. Ni nga lavhelela mini? Ri nga si tsha ya kha muňwe murafho. Ri nga si zwi ite. Ri tshifhingani tsha u fhedza.

<sup>43</sup> Zwo ralo, a thi ḥodi vhoiñwi ni tshi mmbona sa luñwe lushaka lwa vha re na phosho. Ndi nga vha ndo ralo; arali ndo ralo, ndi tou vha mu... a thi zwi dzhie li n̄ha.

<sup>44</sup> Ndo ri kha mufumakadzi wanga o dzulaho hafho. Ndo ri, “Meda, ndo no vha mpengo wa vhurereli? Ndo xedza muhumbulo wanga? Kana, u tou vha Muya wa Mudzimu une a u koni u imela izwo zwithu, une wa khou huwelela? Hu na zwiñwe zwithu ngomu afha zwine zwa nnyita uri ndi hanedzane na muhumbulo wanga, lufuno lwanga?” Nda ri, “Hu tou vha na zwithu zwiraru zwine zwa nga vha. Hu nga vha uri ndo xedza muhumbulo wanga...” Arali ndo ralo, a thi zwi ñivhi. Ndo tshenuwa, muthu wa u sinyuwa. Heyo i tou vha mvélo yanga. Mpho yanga i ya ita izwo, fhedzi, sa mureri. Fhedzi ndo—ndo tou... “Ndi nga vha khañwe ndo xedza muhumbulo wanga, kana ndo no vha mpengo, kana ndi Muya wa Mudzimu.” Zwi—zwi tea u vha tshithihi tsha izwo zwithu.

<sup>45</sup> Fhedzi, a thi koni u kondelela izwi zwithu, huno tshiñwe tshithu ngomu tshi sokou huwelela nn̄da. Huno fhedzi ndi a ñivha, u ya nga Bivhili, uri zwi tea u itea. Huno zwi thusa mini u huwelela? Mudzimu u khou ya u imisa hani kha Khañhuloni a lañela uyu murafho n̄ha hafha arali A so ngo vha na ipfi la u huwelela a tshilwa nazwo, uri a dise khañhulo? Vhafarisei vha khou ya u vha mini, arali ho vha hu si na Yohane wa u huwelela u bva sogani? Zwi do farisa mini, musi ndi tshi amba, “A vha tei u ita izwi, huno a vha tei u ita izwi, huno a vha tei u ita izwi, huno a ni tei u ita izwi. Huno ni tea u ñadzwa nga Muya”?

Vha tshimbila nga hafha vha ri, “Zwi ḥohoni! Tshipengo! Zwiñwe zwithu zwe itea khae!”

Zwo luga, zwi itelwa mini? Ngauri, Mudzimu u tea u vha na ipfi. U tea u zwi amba, hu si na ndavha, uri A dise khañhulo, a ri, “Hafhalá khe zwiña. A ni ngo zwi nyadza.” Hezwo ndi zwone. Huno arali ni sa huwelele, U khou ya u ita mini? Hu na tshiñwe tshithu tshi no huwelela, ngomu hañu. A ni koni u zwi thusa.

<sup>46</sup> Zwino, zwino ri wana uri, zwenezwo, uri musi ri tshi do ñisa athikili i tevhelaho ine ra vha na yo afha, ri tshi wanulusa, uri—uri, mbuno ya uri ri si vhe dinomineisheni. Huno ri a tenda uri hu na Vhakriste who bebwaho hafhu, vhathu vhakhethwa, kha Methodisi, Baphuthisi, Phuresibatheriene, Pentekostała, huno na zwifho zwinzhi. Ri a tenda uri Tshivhidzo tsha Mudzimu ndi heila Mbeu yo ḥanganaho u bva kha ho vhu vuimo u tsa phasi, huno i ña ngomu nga zwe ra amba madekwana o fhiraho, huno ri do ambedzana nga hazwo ri tshi ya phanda, u tiwa. Hu si uri Mudzimu o ta tshithu tshiñwe uri tshi vhe, fhedzi, nga u ñivhela phanda O ta, ngauri U ñivha zwithu zwe ñothe.

<sup>47</sup> Huno ri wana uri madekwana o fhiraho uri a hu na muthu na muthihi we a vhuaya a tshidzwa, vhunga madekwana ano, huno vho vha na madzina avho o ñwalwa Buguni ya Ngwana

ya Vhutshilo. Dzina laṇu ḥo vhewa kha Bugu ya Ngwana ya Vhutshilo u bva tshe shango la thoma, kana a li ngo vhuya la vha hone kana a li nga dovhī la vha heneffho. Ri wana uri, musi Mudzimu a tshi vhulaya Ngwana nga phanda ha mutheo wa shango, no vha ni khou vhulawa na Ngwana yaṇu. Ni a tenda izwo? Wanulusani nga uyu miniti.

<sup>48</sup> Kha ri vule kha Nzumbululo, u thoma, Nzumbululo 17 kana . . . Nzumbululo 13:8, huno ri wanuluse hafha zwine Bivhili ya amba nga ha—nga ha uri kani . . . musi Ngwana i tshi vhulawa. Ri vhone arali Yo vhulawa nga A.D. 33, kana A.D. 33, kana uri kani Yo vhulawa mini . . . uri Yo vhulawa lini. Zwothe zwo luga. Zwino, heyi ndi United States kha tshiporofito hafha, zwo tou ralo. Zwino ri vhala hezwi.

*Huno vhoṭhe vha dzulaho shangoni vha do mu losha* (Ndi mini? Livhanda.), *vhanē madzina avho ha ngo n̄walwa kha bugu ya vhutshilo ya Ngwana yo vhulawaho u bva tshe shango la sikwa.*

<sup>49</sup> Ngwana yo vhulawa lini, miñwaha ya zwigidi zwivhili yo fhiraho? Khañwe miñwaha ya milioni dza dana yo fhiraho. Nga murahu ha musi mutheo wa shango u sa athu vhumbiwa, Yesu Kristo o fela zwivhi zwashu. Oo, fhedzi zwino ndi khou vha wa vhurereli. Phanda ha musi hu sa athu vha na shango, Yesu Kristo o fela u li tshidza.

<sup>50</sup> “Zwo luga,” ni ri, “huno ndi ngani Mudzimu, Mudzimu a si na magumo, o vhuya a tendela tshivhi?”

Ni a ñivha, hu na zwi bveledzwa kha Mudzimu. Huno arali Mudzimu a so ngo vhuya a tendela Sathane . . . U a ñivha, musi A tshi sika Lucifer, uri o vha a ene ono khou ya u vha ane a do tshikafhadza shango. Oo, Mudzimu washu a si tshiñwe tshithu tshiñku, tshine tsha sukumedzelea khonani nthihi, fhedzi Ndi Mudzimu a sa gumi Ane ha ngo vhuya a vha na mathomo kana ha nga do vhuya a vha na magumo. Huno, Khae, U kha zwi bveledzwa Zwawe. Ndi Mutshidzi. Huno A nga vhuya a ñivhiwa hani sa Mutshidzi arali hu so ngo vha na tshiñwe tshithu tsha u tshidza? Ro vha ri tshi do vhuya ra ñivha hani . . .

<sup>51</sup> Ndi tshifhio tsho thomaho? Vhunga, ndo vhudzisa mbudziso. Ndi tshifhio tsho thomaho, Mutshidzi kana muitazwivhi? Sa zwenezwo, arali Mutshidzi o vha wa uthoma, nahone Mutshidzi a muhulwane u fhira muitazwivhi, muitazwivhi u vhuya a vha hone hani? Arali ho vha hu si na muitazwivhi, o vha a nga si Mu ñivhe sa Mutshidzi. Tshi re na maanda manzhi ndi tshifhio, mufhodzi kana muthu a lwalaho? Mu fhodzi u sokou dzhia vhulwadze a vhu tshinyadza. Ho thoma mini, Mudzimu kana pfuko? Ndi ngani, ho vha hu na Mudzimu, u thoma. Ndi ngani O tendela hone—hone vhulwadze zwenezwo? Ngauri, arali A tshi nga vhu tshinyadza zwino, O vha a tshi nga zwi ita uri vhu si vhe hone. Huno arali A si na magumo, O zwi ñivha uri zwi do itea.

Fhedzi izwo, arali A sa—arali A sa, arali hu si na vhulwadze, huno O vha a nga si vhu ye a divhea sa Mufhodzi. Fhedzi uri U Mufhodzi, hu tea u vha na vhulwadze. Ni a vhona zwine nda sumbedzisa? Zwino, O divha zwithu zwe<sup>52</sup>.

<sup>52</sup> Zwino, kha Nzumbululo 13:8, thetshellesani. “Huno Ngwana yo vhulawa” (Lini?) “phanda ha mutheo wa shango.” Mudzimu kha muhumbulo Wawe u sa gumi, a tshi lavhelesa fhasi nga kha zwidambo zwa tshifhinga, huno A vhona zwine zwa do itea, nahone na uri U do tea u sika hani na u tsela fhasi kha tshino tshikhala tsha tshifhinga, u bveledza zwe A vha a zwone.

<sup>53</sup> Ndi ngani vhoiwi vhaswa...iñwi vhanna ni na vhaftumakadzi vha vhoiwi, vheani mufumakadzi fhasi ha mulingo huno ni do vhona uri o itwa nga mini. Izwo ndi zwone. Vheani munna fhasi ha mulingo, zwi do dzinginyisa bodelo fhasi ha mulomo wawe, arali o vha a tshidakwa. Zwi do ni vhudza uri o vha o tshidzwa khalo kana hai. Arali o vha a tshi dina, mugidima-gidimi, mmbwa ya tshika yo kwashaho mudi wa muñwe munna; a bvulani vhañwe vhasadzi nahone a thoma... thomani uyo nga ene, huno zwi do amba uri o itwa nga mini. Izwo ndi zwone. Vhukumakuma.

<sup>54</sup> Mudzimu, uri a sumbedze maanda Awe, u sumbedza zwine A vha, uri O vha a Mutshidzi, O tendela uri muitazwivhi a vhe hone.

<sup>55</sup> Vhunga ndo amba, Vharunwa vha do imba hani zwi<sup>53</sup>tori zwa ndamulelo, vha sa vhuyi vha divha na uri ndamulelo zwi amba mini? Fhedzi, ri nga zwi imba. Ri divha uri zwi amba mini u xela na uri zwi amba mini u wanala. A ni ngo vhuya na xela, a ni divhi uri zwi amba mini u waniwa. Ndi havho vho xelaho, vha divhaho uri zwi amba mini. Ndi havho vha na malwadze, vhane vha divha u diphiña kha mutakalo wavhudzi u tshi da. Ndi houla muthu wa samba a tshimbilaho zwi<sup>54</sup>rañani, we a si vhuye a vha na khonani, huno a si vhuye a vha na muthihi wa u kuvhatedza, huno a si vhuye a vha na muthu na muthihi wa u lavhelesa khae na u dzhiela nzhele; ndi hoyo muthu ane a divha uri khonani ya vhukuma i amba mini, u vhea tshanda wa kuvhatedza khatsho. Ngoho, ni tea u divha.

<sup>56</sup> Ro vhuya ra divha hani u fhululedza u penya ha duvha, arali hu so ngo vhuya ha vha na vhusiku? Ni do divha hani u fhululedza lavhudi, duvha li penyaho, arali hu so ngo vhuya ha vha na la makole? Na ni tshi do divha hani u fhululedza masana a vhudi a tshilimo, arali hu so ngo vha na vhuria? Mulayo wa thendelano na khanedzano. Ndi khou bva khazwo, u ya kha u funza. A thi tqodi u ita izwo. Zwe<sup>55</sup>the zwe luga.

<sup>57</sup> Nzumbululo 17:8, hune ra, lwa miniti zwino, u sumbedza zwino. Ngwana yo vhulaiwa lini? “Phanda ha mutheo wa shango.” Zwe<sup>56</sup>the zwe luga. Nzumbululo 17:8

*Huno livhanda line wa vhona lo vha, huno a liho; huno li do gonya u bva dindini li si na mathomo, huno li do ya tshinyaloni: huno avho vho dzulaho shangoni vha do kanuka, vhane madzina avho ha ngo nwaliwa ngomu buguni ya vhutshilo u bva—bugu ya vhutshilo u bva (lini?) tshe shango la sikwa, . . .*

<sup>58</sup> Dzina lanu lo vhewa lini Buguni ya Vhutshilo? Vhunga ndo amba madekwana o fhiraho, munna we a nwalala luimbo, “Hu na dzina liswa lo nwalwaho Vhugalani, huno ndi langa, ndi langa,” kha zwine a sumbedza u khou amba ngoho, fhedzi nga Mañwalo o vha o khakha. Dzina lanu a li ngo nwalwa vhusiku he na da kha Kristo.

Yesu o ri, “Vhothe vhe Khotsi vha Nne a vha do da kha Nne. Huno a hu na muthu ane a nga da nga nda ha musi Khotsi Anga vho mu kokodza. Vhothe vhane vha da kha Nne, Ndi do vha fha Vhutshilo Vhu sa Fheli, huno ndi do mu vusa nga duvha la u fhedza. A hu na na muthihi wavho o xelaho. A thi xelelwi nga tshithu, ngauri a hu na muthu ane a nga vha bvisa tshandani tsha Khotsi Anga, We a vha nea Nne.” Oo, nne nne! Whew! Yohane Mukhethwa 5:24, “Ane a pfa Maipfi Anga huno a tenda kha o Nthumaho, u na Vhutshilo Vhu sa Fheli, huno ha nga di khañhuloni, fhedzi o pfuka u bva lufuni u ya Vhutshiloni.” Ndi nga two tshino tshivhidzo tshi tshi tenda kha tsireledzo ya u kondelela ha vhakhethwa, hu si kha tshivhumbeo tsha Baphuthisi, hu si kha tshivhumbeo tsha Phuresibatheriene, fhedzi kha tshivhumbeo tsha Bivhili.

<sup>59</sup> “Zworalo” ni ri, “zwino, Mukomana Branham, ndi humbulela uri na vhuya na vha kha tshilidzi ni dzula ni kha tshilidzi.” Hezwo zwi disa u shonisea hunzhi. Fhedzi musi munna kana mufumakadzi o bebwa nga Muya wa Mudzimu, zwithu zwa kale two fhira, zwithu zwe the two no vha zwi swa, huno o bebiwa na u fhañtshedzwa nga Mudzimu wa Lini na lini. Huno vha nga si tsha lovha vhunga Mudzimu Ene-muñe A nga si lovhe.

<sup>60</sup> Ni tøda u mmbudza uri Mudzimu, Mudzimu a si na magumo, a nga da phasi a ni nea Vhutshilo Vhu sa Fheli, a tshi ñivha uri U khou ya u ni xedza? A tshidza inwi fhano, A tshi ñivha uri U khou ya u ni xedza fhañla? O ni tshidzela mini? Ndi ngani, U khou shuma a tshi lwa na Ene muñe. Arali O vhuya a ni tshidza, no tshidzwa lwa Lini na lini. A hu na dimoni heleni line la nga ni kwatisa.

<sup>61</sup> Zwino, Mudzimu wa lini na lini Ane a nga amba magumo hu tshe mathomoni, huno a ni tshidza afha, ino vhege, huno a tshi ñivha uri nwaha u tevhelaho ni khou ya u gunea, huno a ni xedza? Zworalo, U khou itela mini mushumo u nga ho uyo? Hezwo zwi do vha zwi vhutsilu; nne ndi nga si zwi ite. Arali nda ni ita khonani yanga ñamusi, ndi tshi ñivha uri ni khou ya

u vha swina ḥanga matshelo, zwenezwo, ndi nga si zwi ite. Ndi nga tou ni litsha no ralo. Ni a vhona? Mudzimu o ni ita mudzinda Wawe, namusi, ngauri U a ḥivha, huno o ḥivha phanda ha musi ni sa athu da shangoni. Musi A tshi kha di ita khalishiamu ye ya dzhena kha muvhili waṇu, musi A tshi sika tshedza tsha khosimiki tshe na . . . tshi re ngomu hanu. Musi petironiamu na zweṭhe zwe na itwa ngazwo, musi Mudzimu a tshi zwi sika shangoni, O ḥivha lutsinga luṇwe na luṇwe lwaṇu na zwine na do ita. Mudzimu a si na magumo a nga ita hani . . .

<sup>62</sup> “Zworalo, ndi khwiṇe ndi tshimbile zwavhudzi namusi; ndi nga wa nda xela matshelo.” No vha ni so ngo tshidziwa na u rangani. Ni nga vha no shumea, fhasi ha zwipfhi. Ni nga tou humbula uri no tshidziwa. Ni nga pfa vhunga no tshidziwa. Ni nga tenda uri no tshidziwa. Ni nga vha murado wa tshivhidzo. Ni nga vha wa Baphuthisi wa u luga, wa Methodisi, kana wa Pentekostała. Hezwo a zwi na tshithu na tshithihi tshi kwamanaho nazwo. Dzina ḥanu li dzulela . . . Arali no vhuya na tshidzwa, no tshidzwa phanda ha musi shango li sa thu thoma, musi Mudzimu a tshi rumela Yesu, muhumbuloni Wawe, u tshidza hoyo we A vhona a tshi tshidzea. Zwino, Ha funi uri muṇwe a lovhe. Ha zwi funi, fhedzi, arali A Mudzimu, O ḥivha uri ndi nnyi ane a do na a sa do lovhaho. Liṇwalo li ralo. Zwenezwo afho ni fhano.

<sup>63</sup> Ndi ngazwo ri tshi fhambana na Baphuthisi, Methodisi, na vhane vha sokou vhidzwa vhathe vha muhumbulo wa Calvin. Fhedzi, vhathe vha Calvin vha kha ngoho.

<sup>64</sup> Huno ri khou ya u da kha thungo ya Arimenieni. Vho wana mini? Mishumo. Hetsho ndi tshigwada tsha vhakhethwa. Mishumo, “Phaṭhutshedzo kha Mudzimu, ndi do litsha mavhudzi anga a aluwa,” vhafumakadzi. Huno, “Oo, khuliso kha Mudzimu, a thi nga do vhuya nda ambara tshikhipha tsha zwanda zwipfufhi,” munna u do ralo, na zwiṇwe zwinzhi zwi ngaho izwo. Izwo a hu na zwine zwa ita kha Muvhuso. Hai, muṇe wanga. Ni nga litsha mavhudzi aṇu a aluwa, ni nga ambara rokho huṇwe na huṇwe hune na khou ṭoda u zwi ambara, kana ni nga ita izwi, ziwi, kana zwiṇwe, huno zwi sa vhe na tshithu na tshithihi tshine zwa ita. A ni ngo tshidzwa nga nthani ha zwiambaro zwanu. Arali zworalo, Mudzimu o vha a tshi do ita mutala wa izwo. Yesu o vha a sa do tea u fa.

No tshidziwa ngauri Mudzimu o ni tshidza, nga tshilidzi, huno ni ita izwi zwithu sa ndivhuwo. Mikhwa yo doweleaho i do ni vhudza izwo. Ni ita izwo zwithu sa ndivhuwo. Mishumo ndi ine nda itela Mudzimu.

<sup>65</sup> Arali ndi sa tsha funza muṇwe mulaedza, huno nda tshila afha lwa miṇwaha ya dana na futhanu, ndi kha di vha ndo tshidziwa. Zwavhukuma-kuma. A tho ngo tshidziwa ngauri ndi mureri. Ndo tshidziwa ngauri ndi tshilidzi tsha Mudzimu tshe

tsha ntshidza. Ho vha hu si na tshithu na tshithihi tshine nda nga ita u tshi swikelela.

<sup>66</sup> Ndo vhigwa kha mulayo, zwino heneffa, lwa dola dza hafu ya milioni. Huno vha ri, “Ngani, no ya n̄tha . . . Hedzo tshelede dze na dzhia n̄tha hafha, u badela zwikolodo wañu. Yo vha i yanu phanda ha musi no no badela zwikolodo zwanu. No i pfukisa nga kha tshivhidzo tshanu, fhedzi yo vha i yanu u rangani.”

Nda ri, “Fhedzi a tho ngo i itela tshithu na tshithihi.”

Vha ri, “Ee, wo ita,” vha ri, “wo vha vhudza uri u do dzhia munikelo wa lufuno.”

Nda ri, “Ndi khou ḥoda muñwe muthu a tshi mmbudza uri lini.”

“Zworalo, no humbela nga kha luñwalo?”

Nda ri, “Sedzani kha ofisi yanga; na peni zwalo.”

<sup>67</sup> Ni a ḫivha, Bivhili yo ri, “Ni so ngo dielekanyela uri ni do ri mini, ngauri zwi do neija kha inwi nga iyo awara.” Huno ndo vha ndo dzula afho tsini na dziaxennđe dza muvhuso, huno muñwe na muñwe a khou huwelela kha nñe, u bva kha inwe thungo u ya kha inwe; huno nñe zwi tshi kondja u divha na ABC yanga. Huno ndi na avho vhanña vha vhutali vhe vha gudiswa u ita inwi uri ni ambe zwithu zwine a ni ḥodi u zwi amba, huno ni nga edanisa hani vhudivhi na muthu a ngaho uyo? A nga si edane kha vhudivhi na Muñe wanga, naho. Heļi Liñwalo lo ri, “Ni so ngo dzhia ngelekanyo na nthihi musi ni tshi ḫiswa phanda ha dzikhosi na vhavhusi.”

Ndi a ḫivha tshelede ye nda dzhia n̄tha hafho, ndo i shumisa kha . . . Huno a vho ngo hanedza izwo. Yo shumiswa lwa mulayo u ya nga hune ya nga shumiswa. Fhedzi vho ri, “Yo vha i yanu, u thoma, huno na humisela kha Thaberenakele ya Branham.”

Nda ri, “Fhedzi nñe ndi mufaragwama wa Thaberenakele ya Branham.” Huno izwi . . .

Zworalo, a ri, “A thi ḫivhi nga ha izwo. Huno ndi ngani vhalanguli vha gwama vha so ngo ita izwi, izwo, na zwiñwe?” Muthihi . . .

Nda ri, “Huno ni khou mmbidza a sa fulufhedzei?”

<sup>68</sup> Vha ri, “Ri humbula uri u a fulufhedzea.” Vha ri, “Ndi khou ḥoda u ni sumbedza zwiñwe zwithu, Vho. Branham,” houla ramilayo.

Ndi khou tou amba izwi u itela vhugala ha Mudzimu zwino, fhedzi, huno nga maanda u itela vhañku. A ri, “Ndi khou ḥoda u ni sumbedza zwiñwe zwithu, u ni sumbedza uri hani . . .” Arali na tshila nga Bivhili, Mudzimu u do tshila nga inwi. Huno arali maya wañu u sa tendelani na zwine Mudzimu a amba, zwenezwo a ni khou tshila nga Bivhili.

<sup>69</sup> Humbulani vhusiku ha mulovha ri tshi amba nga ha vhareri vha vhafumakadzi, musi vha tshi ri, “Oo, ndi a tenda Muya Mukhethwa wo mbidza uri ndi funze,” na zwiñwe zwinzhi zwi nga ho izwo? Bivhili yo ri, “Arali munna a nga ri u muporofita, kana wa tshimuya, nga a limuwe uri Hezwi ndi ndaedzo dza Murena; fhedzi arali a khou nyadza, mu litsheni a nyadze.” Ngauralo musi ni tshi pfa vhanna vha tshi ri vha a tenda kha vhareri vha vhafumakadzi, zwi sumbedza uri a vho ngo luga kha Mudzimu, kana a vha divhi Ngoho. Heyo ndi Ngoho. Liñwalo li ralo. Ro zwi wana Henefho, huno zwi tshimbilelana hothe na Mañwalo. Zwino, hu si na ndavha uri zwi vhonala zwi zwa vhukuma hani, zwo fhambana. A si zwone.

<sup>70</sup> Zwino, ri khou ya u wana zwiñwe zwithu zwino hafha. Dzhielani nzhele. Mudzimu, Mudzimu a si na magumo, We a sika shango, na litadulu, huno a divha zwithu zwithe, huno o zwi divha phanda ha musi shango li sa athu sikiwa, thunzi iñwe na iñwe, tshifhufhaho tshiñwe na tshiñwe, lunyunu luñwe na luñwe, tshiñwe na tshiñwe tshine tsha do vhuya tsha vha hone. Huno ni tshila nga Ilo Ipfi.

<sup>71</sup> Zwenezwo, ndo ima henefho tsini ha vhoramilayo. Uyo ramilayo a tshimbila a da hafho a ri, “A ri khou ralo, na nga ndila na nthihi, u edzisa u amba uri a u fulufhedzei.” A ri, “Wo vha wa u nyadza nga kha uri nnyi na nnyi a tshi u fha tshelede yo vha i yau u thoma.” A ri, “Wo saina tsheke u bva kha Vho. Miner Arganbright, u bva—u bva California, ya Vhanna vha Bindu vha Vhakriste vha Vhuñama ha Mafhungo mađifha O Fhelelaho, ya dzidola nnzhisa dza zwigidi. Huno duvha lithihi le na i bvisa banngani yañu huno na renga thikhithi nña kana ñhanu u itela lwendo lwa mashangođavha, u swikelela kha dolara dza zwigidi zwa fumbili-iña.”

Nda ri, “Ee, muñe wanga.”

A ri, “U koloda mbuelo ya muthelo kha hezwo.”

Ngani, nda ri, “Ro ima rothe kha bannga nthihi, huno a nnea tsheke, huno nda i fhiresele kha bannga huno nda ñwala thikhithi nga murahu.”

A ri, “Arali wo vha na tsheke minete muthihi,” a ri, “hafu ya izwo, yo vha i yau. Wo vha nayo, hafu ya miniti. Yo vha i yau, hafu ya miniti, phanda ha musi i tshi vha ndaka ya tshivhidzo.” A ri, “U a koloda mbuelo ya muthelo khayo.”

A ri, “O i nnea kha tshivhidzo. O badela muthelo wa khayo, huno a i nnea tshivhidzo. O i nnea ini.”

Huno nda ri, “No badela mbuelo dza muthelo khayo, ya ya kha tshivhidzo, zwenezwo a i thelei.”

Vha ri, “A ri khou thelisa tshivhidzo tshañu. Ri khou thelisa inwi.”

Nda ri, zwenezwo, “Ndi ngani,” nda ri, “munna muthihi o sainaho dzina lawe, mbuelo dza muthelo wa federala, o mmbudza uri ndi ite nga heyi ndila.”

A ri, “Ha tshe ho kha muvhuso na luthihi.”

Nda ri, “Avho vho nwalaho Ndayotewa a vha tshe ho muvhusoni na luthihi, na i kha di vha yo ima?” Nda ri, “Liñwe duvha ni do vha ni si tsheho muvhusoni na luthihi, ni khou ya uri mini izwo?” Nda ri, “Ri khou shumela muvhuso wa hani?” Zwavhukuma.

Fhedzi, zwenezwo, huno muñwe munna a ri, “Vho Branham,” a ri, “ri wana hafha, imani ndi ni sumbedze uri ri a divha uri peni inwe na inwe ine na i shumisa i gai.”

Nda ri, “Zwoñthe zwo luga.”

A ri, “Hafha ndi fhethu he wa vha u na muñtangano Canada, hangei Alberta, huno heneffo wo ñewa tshifhiwa tsha lufuno tsha dolara dza zwigidi zwiraru.”

Nda ri, “Ee, muñe wanga.”

Huno a ri, “Li tevhelaho... Swondaha ya murahu, kha ndi ralo, kha izwo, wo tuwa wa ṭoda he ha vha hu na tshivhidzo tsha kale, huno vho vha vha khou losha kha hetshi tshivhidzo, huno tshi si na thanga khatsho. Huno wa nea hedzo dolara dza zwigidi zwiraru kha havho vhathu, uri vha fñañte tshivhidzo.”

Nda ri, “Izwo ndi zwone.”

A ri, “Fhedzi u koloda muthelo wa mbuelo khayo.” A ri, “Wo i ñea tshivhidzo.” A ri, “U a vhona, yo vha i yau phanđa ha musi i sa athu u vha ya tshivhidzo.”

A ri, “Naa a si ngoho, uri muñwe munna...” Huno a thi nga buli dzina lawe, ngauri vhanzhi vha vho inwi ni a mu ñivha. “Nnđu yawe yo swa, hafha kha heli shango, huno no da ngomu, u bva miñanganon yañu, huno no vha ni na dolara dza ñana na fumi ñhanu.” Zwino, iyo i pfala sa tshelede mnzhi vhukuma, kha muñwe wa vho inwi noñthe. Fhedzi heyo kha ññe ndi mađuvha a fumi-ñhanu a u lovha, kana a u awela. Zwo ndurela u fñira dolara dza ñana nga duvha, kana ndi a funza kana a thi funzi, u londota ofisi na zwithu. Huno a ri, “Wo vha u na dolara dza ñana na fumi ñhanu. Huno uyo munna o vha a... nnđu yawe yo swa ñore. U na vhana vho no swikelela vha rathi, huno wa mu ñea hedzo dolara dza ñana na fumi ñhanu.” Ngoho ngoho, vho vha vha na tsheke yanga yo dzula afha.

Nda ri, “Izwo ndi zwone.” Nda ri, “Ni do ita mini, munna a na vhana vhañanu a khou dzula denndeni, huno mutsho u a rothola na mahada fhasi mavuni? Ni humbula u nga ndi nga dzula kha nnđu ya vhuđi huno ndi tshi ñivha uri ula munna na vhana vhañuku ngei, vha khou oma, huno vho ñiputa nga madzhasi, huno ndi na tshelede ine i nga kona u vha thusa?”

A ri, "Naa a si ngoho uri munna o fa phakhani afho n̄ha? Huno u bva Kentucky. Ha ngo vha na tshelede ya tshumelo ya mbulungo yawe, huno wo vhulunga uyo munna. Huno iwe na mufumakadzi wau wa dzhia tshelede wa ya J. C. Penney." Wo putela dzitsheke. A ri, "Wo shumisa dzidolara dici anganyelwaho dambili kha zwi ambaro zwa vhana avho fhedzi."

Nda ri, "Izwo ndi zwone."

A ri, "Naa a si mbuno uri mufumakadzi mualuwa hafha kha dorobo *nkene* . . ." Ane a tshila kha, izwo, New Albany. Huno a ri, "Wo mu nea dzidolara dza dararu na dziñwe dici dolara, uri a badele murahu ha mulandu wa zwirengwa, hezwo, vho mu tumula, kha. Huno wa badela dici dolara dici re tsini na dañhanu u itela rennde yawe, ngauri vho vha vha khou ya u mu bvisa nga vhuria. Huno wa mu badelela—rennde yawe u swika Fulwi i tevhelaho, huno wa dovha wa ima zwavhudi kha mulandu wa zwirengwa zwawe zwe zwa swikelela fumi-iña kana fumi-thanu ya dzidolara hafhu."

Nda ri, "Ndi a humbula fhungo ilo zwavhudi. Mme mualuwa, vha na miñwaha ya fumalo, vha na musidzana o ñupheaho, na mutukana wa mureri hangei Georgia, o ñuphea nga ñowagudu, huno o edela mmbeten, huno hu si na iñwe thikhedzo. Ni nga ita mini nga izwo?" Nda ri, "Ee, ndo zwi ita."

A ri, "Naa bodo ya vhalanga ndaka vhañu vho zwi ñivha?"

Nda ri, "Hai, muñe wanga, a vho ngo zwi ñivha."

"Mufumakadzi wa u o zwi ñivha?"

Nda ri, "Hai, muñe wanga, ha ndo zwi ñivha."

A ri, "Hone ndi ngani wo zwi ita?"

<sup>72</sup> Nda ri, "Ngauri Murena wanga o ri, 'Ni so ngo tenda tshanda tshañu tsha monde tshi tshi ñivha zwine tshanda tshaula tsha khou ita.'" Nda ri, "Kani ni na mulayo u fhiraho mulayo wa Mudzimu?"

Huno zwenezwo Muya Mukhethwa wa da kha u lamulela, nga u nakelela zwavhukuma nga ndila ye Wa ita ngayo. Ni amba zwithu, ni si na luvalo, ni sa ñivhi uri ni khou zwi amba, arali na tou litsha Muya Mukhethwa wa vha wone wo no amba.

Nda ri, "Zwo luga, zwo luga, arali ni tshi vhila uri ndi a koloda hezwo," nda ri, "Ndi do ita zwe ñithe zwine nda nga kona." Nda ri, "A thi tsha vha mutukana na luthihi, fhedzi ndi do ita zwe ñithe zwine nda nga kona u i badela." Nda ri, "A thi kolodi muthu tshithu, vhunga ndi tshi zwi ñivha." Ndo edzisa u vha wa ngoho. Ndo no dzhena kha tshikolodo tsha dzidolara dza zwigidi, huno ndi tshi tshi lifha murahu nga dolara kha vhege. Fhedzi, nga tshilidzi tsha Mudzimu, nda tshi badela. Nda ri, "Arali ni tshi vhila na u zwi lingulula kha nñe uri ndi a koloda iyo tshelede ye nda fha avho vhathu . . ." Huno vha isa phanda

na u sumbedza uri i hovhelela dolara dza zwigidi zwa fumbili, kha miñwaha ya fumi yo fhiraho, ndo i ñea vhunga zwenezwo.

Huno a ri, "Vhalangula gwama a vha divhi tshithu nga hazwo hezwi."

Nda ri, "Zwo vha zwi si zwa ndeme uri vha zwi divhe." Huno zworalo a ri... Zwo luga, huno a ri...

<sup>73</sup> Nda ri, "Zwine zwa mmbaisa, ndi u divha uri hedziila tshilikadzi tshialuwa dza zwishai na tsiwanà, vha khou tea u badela muthelo wa mbuyelo khayo, navho, kana vha fa, vha tshi khou koloda muvhuso." A tho ngo divha zwe nda vha ndi tshi khou amba. Hafho ho vha hu Khotsi vha tshi khou amba, huno a tho ngo zwi divha.

"Oo," a ri, "hai, a vha nga do tea u badela muthelo wa mbuyelo khayo."

Nda ri, "Ndi ngani vha sa do tea u i badela?"

A ri, "Ni a vhona, heyo yo vha i mpho i so ngo humbelwaho."

Huno Muya Mukhethwa wa mvusa. "Oo," nda ri, "huno mpho i so ngo humbelwaho a i theliswi?"

A ri, "Izwo ndi zwone."

Nda ri, "Huno a thi kolodi muvhuso tshithu na tshithihi, ngauri a thi athu vhuya nda dzhia munikelo vhutshiloni hanga."

Zwenezwo axennde yanga ya takuwa, huno a ri, "Vho. Branham ni nga..."

Nda ri, "Ndi nga ni ñea marwalo a milioni mbili hafha Washington, u tikedza izwo." Nda ri, "A thi a thu dzhia munikelo."

A ri, "Fhedzi musi u tshi ya kha iyi miñgano, huno na i yi tshelede yo dzhiwaho nga avha vhareri ya badela izwi," a ri, "u na kuñwe kupfesesele kwa uri u khou ya u wana zwiñwe zwithu."

Nda ri, "Na zwiñkuñuku."

A ri, "Zwino, zwo luga, a u humbeli nga kha maili?"

Nda ri, "Na zwiñkuñuku."

A ri, "U wana hani tshelede yau?"

<sup>74</sup> Nda ri, "Zwine vhathu vha nthumela." Ndi khou lavhelesa kha zwifhañuwo zwa vhathu zwino henefha vhane vha nthumela tshafumi tshifhinga tshothe. A tho ngo vhuya nda vha humbela. Vha sokou zwiita. Hoyo ndi Muya Mukhethwa. U a kona u londota vha re Vhawé.

Huno a ri, "Zwo luga, zwenezwo, Vho. Branham," a ri, "u nga tikedza izwo? U nga nngwanela marwalo a miñwaha ya murahu ya malo kana fumi zwayo ye wa ñanganedza munikelo u so ngo u humbela?"

Nda ri, "A tshivhalo tshine na Ქoda."

A ri, "Ndi khou Ქoda mararu kha ᲊwaha muñwe na muñwe."

Nda ri, "Zwothe zwe luga, ni do a wana."

A ri, "Huno u do nea nne khii ya tshibogisi tsha posoni yau, huno wa ntendela . . . Litshai mañwalo au a kuvhanganye lwa mađuvha mavhili kana mararu, huno u tse ndi ye ndi i vule, nne munę?"

Nda ri, "Ni nga ita tshinwe na tshinwe tshine na khou Ქoda u ita. Ni nga da na ofisini yanga hafhu."

A ri, "Ndi i fhio khumbelo ine na ita?"

Nda ri, "A hu na"

"U rumela mini nga kha mañwalo?"

"Zwidugu zwa thabelo."

"U ya zwi badelisa?"

<sup>75</sup> Nda ri, "Idani, vhalani luñwalo lune nda rumela nazwo." Zwo vha hezwo. Zwino muvhuso u ya nkoloda zwothe zwe nda badela, muthelo wa mbuyelo, ya miñwaha ya fumbili yo fhiraho. Ni a vhona?

"Ni so ngo elekanya uri ni do ri mini, ngauri a si iñwi ane na amba, ndi Khotsi vha dzulahō kha iñwi, vhane vha amba." Ni a vhona? Ndi ngazwo ri tshi tenda kha u dzula na Ipfi. Hu nga vha tshifhinga tshilapfu, fhedzi zwi do shumisana zwavhuđi, u ya nga Ipfi.

<sup>76</sup> Zwino, ndi ngazwo ri tshi tenda uri Bivhili i ri vhudza uri phanda ha musi shango li sa athu sikiwa, huno na phanda ha musi li sa athu da kha u vha hone, uri Khotsi vho vhulaya Ngwana. Huno musi A tshi vhulaya Ngwana, O vhea dzina la muñwe na muñwe wa vhana Vhawe vha daho kha Bugu ya Vhutshilo, huno ri tshila kha honoyo murafho u swika zwothe zwi tshi fhela. Ni a vhona zwine nda sumbedza? Mudzimu a si na magumo o zwi ñivha hezwo, uri phanda ha musi shango li sa athu thoma O vhona mbekanyamushumouri i tea u itiwa, huno A i ita.

<sup>77</sup> Zwino elelwani, sa Mufhađi Muhulu, Khotsi, musi A tshi sika lino shango a vhea khalishiamu, phothashi, na petroliamu, na dzothe dzielementhe dzo fhambanaho dzine dza shuma na kha u ita mivhili yashu, O ñivha kupida kuñwe na kuñwe kwadzo huno a ñivha na uri ndi tshivhumbeo tsha hani na muvhili une ra do vha phanda ha musi i tshi sikwa. Vhukumakuma. O ñivha vhuyo hayo ha Ú Ya Nga Hu Sa Pheli. Huno A ñivha na lushaka lwa muya lwo no do i dzula.

<sup>78</sup> Huno zwino, phanda ha musi ri sa athu fhedzi iļa thero, ri do tea u i dzhia madekwana ano, kha "mbeu ya ñowa" na kha "mbeu ya mufumakadzi," huno ra tsa nayo ra ni sumbedza uri ndi ngani yo ralo. Ra vhona uri mbeu ya ñowa yo tshimbila hani, uri mbeu ya mufumakadzi yo tshimbila hani; uri mbeu ya ñowa

yo thoma hani u vhusa, u vhusa, ya aluwa, na u aluwa, u u aluwa, u aluwa, u aluwa, u swikela zwino hu si na tsho salaho fhedzi masalelanyana małuku a madzina ane a tshe o sala, o nwalwaho u bva mutheoni wa shango.

<sup>79</sup> Fhedzi musi Muvhili wo vhumbiwa, huno lia dzina la u fhedza li re Buguni li do limuwiwa hafha shangoni, Dzibugu dza valwa, ngauri yo khunyelela, tshitiori tsha ndamulelo tsho vhalwa tshothe. Zwenezwo ri ya u Mu vhona na u ṭangana Nae kha mvuwo. “Uyo ane apfa ipfi Langa huno a tenda kha Uyo o Nthumaho, u na Vhutshilo Vhu Sa Fheli huno ha nga vhuyi a da Khatuloni, fhedzi o fhira lufuni o ya Vhutshiloni.”

“A hu na muthu aña a nga da ha Nñe nga nnđa ha musi Khotsi Anga vho mu kokodza.” “Huno a si uyo aña a funa kana uyo aña a gidima; ndi Mudzimu aña a sumbedza khathutshelo,” lu ralo Luñwalo.

A si uyo aña a funa. Vhathu vhanzhi vha ri, “Ndi do dzhoina tshivhidzo. Ndi khou ya u vha muthu wavhudzi. Ndi do ita *hezwi*.” Hezwo a zwi na mushumo nazwo. Ndi Mudzimu a no sumbedza khathutshelo.

<sup>80</sup> Zwino, ni a vhona, musi Mudzimu a tshi thoma, kha... Hu na Mimuya ya sumbe ya Mudzimu, vhunga mivhala ya sumbe kha musengavhadzimu. Huno no no vhuya na limuwa? Ngilasi nthihi yo itwaho khona tharu i sumbedza mivhala ya sumbe yo fhelelaho. No no vhuya na lingedza izwo? Vheani ngilasi ya khona tharu; huno tshi divha tshipida tshithihi tsha ngilasi, fhedzi, kha dzi khona tharu, zwi sumbedza mivhala ya sumbe. Hezwo ndi zwone zwine Khotsi, Murwa, na Muya Mukhethwa, vha Tshithihi, huno vha sumbedza zwibveledzwa zwa sumbe zwa tshimuya zwa Mudzimu.

<sup>81</sup> Huno, zwenezwo, Muya muhulu wa u thoma wa Mudzimu, une wa vha lufuno. Mudzimu, vhunga musengavhadzimu muhulwane. Ri nga si elekanye zwine O vha a zwone. Fhedzi u tou ri U vhonala vhunga musengavhadzimu, iyo Mimuya. Muya wo khunyelelaho wa lufuno, *mutswuku*. *Mudala*, Muya wo khunyelelaho wa vhuṭama. Iyo Mimuya yothe yo khunyelelaho! Huno zwenezwo ya thoma u kuvhangana, i tshi tsa. Huno ya tsa ya da yothe u bva kha—kha lufuno lwa *philio* kana... lufuno lwa *agapao*, u ya kha lufuno lwa *philio*, huno u tsa u da fhasi kha nyemulo, huno u tsa u ya kha zwa fhasisa.

Huno Mudzimu Ene muñe a vha Muthu, Yesu, huno a da fhasi nga yeneyo ndila nthihi, u ya kha mugodi wa fhasisa wa hele, huno a dzhia avho vhe A vha divha u bva tshe shango la sikwa, vhane madzina avho o vha o nwalawa Buguni, huno a vha rengululela murahu kha Ene muñe. Afho khezwo. Tshitiori tsha ndamulelo tshi nga si divhiwe tshothe u swikela ri tshi Mu vhona nahone ra ima kha u fana Nae.

<sup>82</sup> Zwino, ndi ngazwo ri si dinomineisheni. Ndi ngazwo ri sa shumi-... Ri shumisana kha mutshimbilo muñwe na muñwe une ra nga kona, u itela Mudzimu. Fhedzi ndi ngazwo ri si dinomineisheni. Zwino, kha dinomineisheni hu bva izwo zwithu zwi si zwone.

<sup>83</sup> Zwino, vhunga ndo amba, ndi khou rwa zwi kondaho, ngauri ndi khou zwi ḥoda zwi tshi dzula. Zwino, nnda hangei, kha tshivhidzo tsha muñwe muthu, ndi nga si humbule nga ha hezwi zwithu. Ndi nga tou vha Mukriste na murathu o lugelaho u tou dzula kha milayo ye rothe ra tendelana khayo fhedzi. Ni a vhona? Fhedzi, hu tou vha—hu tou vha uri zwi nga, a ri ḥodi u fhurela.

<sup>84</sup> Ndo vha ndi khou amba na mutukana muñku mulovha, he ndavha ndi tshi khou zwima vhuñurwa, matsheloni a mulovha, hangei thavhani ya Kentucky. Huno a tho ngo limuwa tshiga tshiñku tshe tsha vha tsho ḥambatedzwa ñakani, huno ndo vha ndo dzula kha inwe thungo. Huno ndi limuwa u nga ho vha hu Mukomana Banks hafha, a tshi khou ña hanengei madakani. O vha a tshi khou zwima vhuñurwa, nae, fhethu huthihi. Huno nda mu vhona a tshi khou ña, huno nda lidzela muludzi kha uyo munna muñku. Ndo humbula uri ho vha hu Mukomana Wood, o ambara sa ene. A rembuluwa, huno nda zwi vhona uri ho vha hu si ene.

Huno Mukomana Wood o mmbudza uri ho vha hu na fhethu n̄tha hafho ho ḥambatedzwaho. Huno Nñe a tho ngo zwi ñivha. A hu na mutalo wa luhura; hu tou vha maðaka. Huno ndi do ñivha hani uri ndi u fhio muri wa muhikori une wa wela kha ifhio thungo? Ngauralo ndo vha ndo dzula afho ndi tshi khou thetselesa mihevho ya vhuñurweshu. Huno ndo vha ndi tshi khou humbula nga ha, “Zwo luga, zwino, madekwana ano ndi khou ya hayani nda thoma muñangano. Nda humela kha u vhelesa hafhu.” Huno ya thoma u na, huno maðumba a tshi khou fhefheða.

<sup>85</sup> Huno nda vhona hoyu muthu, huno nda amba nae. Nda gonya n̄tha afho huno nda wanulusa uri ndi mavuni awe. Ni a vhona? Huno nda amba nae. A ri, “Oo, zwothe zwo luga.” A ri, “Nñe, i tou zwima huñwe na huñwe hune wa ḥoda u hu zwima.” Huno nda ri, zwo luga.... A ri, “Wo vha u si ho mavuni anga. Wo vha wo dzula nga murahu ha houla muri wa muhikori.” A ri, “Kha heYi thungo ya muri wa muhikori ndi mavu anga. Fhedzi,” a ri, “a zwi na ndavha, Mukomana Branham. Zwima huñwe na huñwe hune wa khou ḥoda u zwima. Idai nduni yanga. Baba vha ño tama u u vhona.” Ni a vhona? Huno nda ri, “Zwo luga....”

Ra thoma u amba nga ha Bivhili. Huno musi ri kha theroy a u zwima, a amba hezwi, a ri, “Mukomana Branham, a hu na muñwe muthu phasi hafha aye a vha na ndavha na muñwe na muñwe o no khou zwima. Fhezi,” a ri, “baba wanga vho vha vhe henehfa linwe ñuvha huno vhañwe vhazwimi vha ñoroboni

vha da vha vhulaha iñwe ya dzinngu ine ya lemela u swikelela kha dziphaundu dza furathi kana fusumbe, huno a huwelela kha u yo muthannga, huno uyo muthannga a mu thuntsha, nga muzonye.” A ri, “Hezwo ndi zwone zwine zwa ita uri zwi vhe two vhifhesaho.” A ri, “A ri na ndavha kha u zwima.”

<sup>86</sup> Zwo luga, hezwo ndi zwithu zwithihi zwine nda khou amba nga hazwo. A thi na ndavha uri ndi ifhio dinomineisheni ine na wela khayo, fhedzi dzulani na Bivhili na Muya Mukhethwa. A si dinomineisheni yanu ine ra khou vhilaela ngayo; nga u tou ḥavhannya welani kha nthihi sa vhañwe. Fhedzi, ndi u dzula na Bivhili kana u ḥanganedza dzipfunzo dzo itwaho nga muthu. Dzulani na Bivhili.

<sup>87</sup> Zwino, vho bveledza dinomineisheni, zwe zwa vha zwo khakhea. Zwino, tshithu tshi tevhelaho tshe vha bveledza, tshe tsha vha tshi khakho, ho vha hu ndovhedzo ya mađi. Ndovhedzo ya mađi, vhunga yo funzwa Bivhilini, ndi nga u lovhedzwa. Fhedzi tshivhidzo tsha Khatholika tsho bveledza u hashwa kana u shelwa. Huno a hu na Luñwalo Bivhilini lu tikedzaho u hashwa kana u shelwa; a hu na fhethu ho raloho hu wanalaho Bivhilini. Ndi nga u lovhedzwa.

<sup>88</sup> Zwo luga, zwe two, huno zwi tshi khou tshimbila ha da, phanda ha tshivhidzo tsha Khatholika, na tsha Luterene, na u shelwa havho. Huno ha da tshivhidzo tsha Anglikhene, na zwiñwe zwinzhi, zwi tshi tsa phasi.

Huno, ho no fhela tshifhinganyana, Baphuthisi ya da na Campbellie, u humela murahu kha u lovhedza hafhu. Zwo ralo, Sañhane a vhona izwo, huno a tou vha fha dzina li si lone la u lovhedza ngalo. Huno vha thoma u shumisa Dzina la Khotsi, na Murwa, na Muya Mukhethwa. A hu na kupiđa na kuthihi mañwaloni kha Bivhili he ha vhuya ha vha na muñwe muthu we a vhuya a lovhedzwa dzinani la “Khotsi, Murwa, na Muya Mukhethwa.” Huno ufhio na ufhio ane a funza izwo ndi mufunzi wa mazwifhi. Huno ndo ni vhudza uri ndi do zwiita uri zwi ḥambatele.

<sup>89</sup> Zwino, arali ni sa humbuli uri izwo ndi zwone, ndi khou ḥoda mbudziso yanu kha pulatifomo iyi, ni tshi khou ntsumbedza. Arali na ngā kona u ntsumbedza fhethu huthihi he muñwe muthu a vhuya a lovhedzwa, kha Bivhili, dzinani la “Khotsi, Murwa, na Muya Mukhethwa,” ndi do vhea tshiga muñanani wanga, sa “mureri wa mazwifhi,” huno nda tshimbila ntha-nafhasi zwiñarañani, ndi tshi khou zhamba, na zwanda zwanga zwi ntha, “Mureri wa mazwifhi!”

A hu na zwithu zwo raloho. Zwi bva gai? Zwino humelani murahu. Heyi ndi Bivhili. Ni tea u wana ḥivhazwakale. Vha Khatholika vha tenda kha midzimu minzhi, huno vha kwashekanya Mudzimu muthihi wa vhukuma a vha vhadzimu vhararu vho fhambanaho.

<sup>90</sup> Huno mpfeni. Zwithu zwi shushaho hani zwe zwa vha zwi kha bammbiri linwe duvha, zwo livhanywa na munna muhulu ane rothe ra mu divhela u vha mudinda wa Mudzimu; Billy Graham. Ri na vhutanzi. Mukomana Beeler, hafhalo, una tsho. Musi ho vhudzisa, Billy Graham, nga *muñwe*, “Nnyi, uri yo vha i ifhio khanedzano khulwanesa nga ha vhuraru? Ho vha hu na midzimu miraru, midzimu miraru ya vhukuma? Kana, zwo vha zwi hani? Huñwe fhethu, zwo vhonala sa midzimu miraru. Huno muñwe o lavhelesa vhunga ho vha na kha-...” Billy Graham o ri, “A zwi athu u dzumbululiwa. A hu na a divhaho.” Nne!

<sup>91</sup> Arali hu na midzimu miraru, ri vhahedeni. Vhunga Vhayuda vho ri, “Ndi ufhio khavho a re mudzimu wanu? Khotsi? Murwa ndi Mudzimu wanu? Kana, Muya Mukhethwa ndi Mudzimu wanu?” Hu na Mudzimu muthihi fhedzi.

Huno izwo a si mbonalo tharu, ngauri uri hu vhe na mbonalo hu tea u vha na muthu. Zwi nga si vhe mbonalo zwi savhe muthu. Ni a divha izwo. Tshithu tshi nga vha hani na mbonalo tshi so ngo vha muthu?

<sup>92</sup> “Oo,” ni ri, “a ri tendi kha mbonalo tharu dza midzimu. Ri tenda kha mbonalo tharu dza Mudzimu muthihi.” Zwo luga, phanda ha musi zwi tshi vha mbonalo, zwi tea u vha muthu.

<sup>93</sup> “Ndi mini, zwenezwo?” ni nga ri. A si midzimu miraru. Ndi ofisi tharu dza Mudzimu muthihi.

O vha e Khotsi, u rangani, we a nembelela ntha ha—ha soga kha—kha khavhu ya Mulilo, tshiṭaka tshi dugaho. Vhu khotsi, Mudzimu, vhunga ndi khou tou bva u amba, u di tsitsa, a tshi da fhasi. Heyo yo vha i mbekanyelo ya nthesa. Muya, a—a—*agapao*, Zoe, vhu—Vhutshilo ha Mudzimu Ene muñwe ho itwa kha tshivhumbeo tsha khavhu ya Mulilo. Huno onoyo Muthihi, phanda ha u vha Khotsi, a vha Murwa, huno Muya wa... o vha a kha tshiṭaka tshi dugaho, o vha a kha Munna, Kristo, nahone Zwa bveledza vhutanzi vhuthihi he Mulilo wa bveledza. A ri, “Arali nda sa ita mishumo ya Khotsi Anga, ni so ngo Ntenda.” Muri muñwe na muñwe u do bveledza vhutanzi nga mutshelo wawo.

<sup>94</sup> Huno phanda ha musi Yo no vha Muthu, ni a vhona, Yo tsa phasi u bva kha Zwi re ntha ha mupo, u da kha zwiñwe zwithu zwi kwameaho zwine zwa nga kwamea, muvhili. Huno nga kha lufu lwa tshiṭhavhelo na tshiṭhavhelo tshi ḥthonifheaho tsha hoyu Mudzimu muthihi, Yesu, A ri, “Nne na Khotsi Anga ri Tshithihi. Khotsi Anga vha dzula kha Nne.” Ndi... A hu na aña a nga vhala hezwo khwine.

Vha ri, “Ndi nga ni U sa ri sumbedzi Khotsi, huno zwi do—zwi do ri fusha.” Yohane 14:8.

<sup>95</sup> A ri, “Ndo no vha na vhoinwi lwa tshifhinga tshilapfu, huno a ni Nndivhi?” A ri, “Musi ni tshi vhona Kho-... Musi ni tshi vhona Nne, no vhona Khotsi Anga.”

Vhunga mufumakadzi o vhuya a fhufhela n̄tha; a ri “Ngani, Mukomana Branham,” a ri, “ee, Khotsi na Murwa ndi tshithihi, vhunga iñwi na mufumakadzi wañu ni vhathihi.”

Nda ri, “Oo, hai, a vha ralo.” Nda ri, “Ni khou mmbona?”

A ri, “Ee.”

Nda ri, “Ni khou vhona mufumakadzi wanga?”

A ri, “Hai.”

<sup>96</sup> Nda ri, “Zwenezwo a vha lushaka luthihi lwa vhuthihi. Yesu o ri, ‘Musi ni tshi vhona Nñe, no vhona Khotsi. Khotsi vha dzula kha Nñe.’ Mufumakadzi wanga ha dzuli kha nñe.” Ni a vhona?

Vha Tshithihi. Kha ndila iñwe na iñwe, vha Tshithihi. Huno ri vhathihi nga kha u tendelana, mufumakadzi na nñe. Ri vha thihi kha vhuñama, fhedzi ri vhavhili kha mvumbo. Mufumakadzi wanga a nga humbula nga iñwe ndila, huno nñe nga iñwe. Huno ri vhathu vhavhili. Fhedzi a zwo ngo ralo kha Mudzimu. Vha, Mudzimu na Kristo, ndi muthu muthihi.

<sup>97</sup> Zwenezwo Muya Mukhethwa ndi mini? Muya Mukhethwa ndi houla Muya muthihi wa Mudzimu u dzulaho kha vhathu vhe A vha fela, huno a vhe a madzina avho Buguni ya Ngwana ya Vhutshilo. Zwine, vho vha vha muthihi Nae, u rangani. Luñwalo lu ralo. Yesu ha ngo vha vhudza uri vho vha vha Nae phanda ha mutheo wa shango? Mihumbulo ya vhoiñwi yo swifhadzwa na u swifhala, huno roþhe ro ralo, kha hezwo zwithu. Fhedzi a ri tou vha iñwe poswo þukhu uri ri vhe afha. Ri vharwa na vhananyana vha Mudzimu, u rangani kha tsiko ya Mudzimu, huno ro ñiswa fhano u itela vhuñanzi, u þanziela tshilidzi tsha Mudzimu tshe tsha shululelwu mbiluni dzashu nga Muya Mukhethwa. Ri na Muya wa Lini na lini. A hu na na muthihi, a hu na na muthihi, huno a hu na na iñwe ndila, ya u zwi imisa. Tshivhidzo tsha Mudzimu tshi ðo vha tshi heneffho vhunga vhuñanzi zwi na vhuñanzi.

<sup>98</sup> Vhu nga ro vha ri khou amba, u dzhia therò þukhu hafhu, u tou itela—lwa miniti, uri ñwana o ðaho nn̄da ha mbingano a nga si dzhene Muvhuso lwa mirafho ya fumiñña, miñwaha ya madana maña, na uri vhuñudzi ha vhabebi ho vha hu tshi dalela vhana, u swika kha murafho wa vhuraru na wa vhuna.

<sup>99</sup> Na uri, u luga ha vhabebi ho dalelwa. Zwine na ita, arali hu na matshelo li ðaho huno na vha na muðulu ðulwana, nyito dzañu ñamusi ðzi ðo amba zwine a ðo vha zwezwo.

Ngauri ri vhala Bivhilini hune Melkitsedeke, musi A tshi þangana na Abrahamu a tshi khou bva u vhulaha dzikhosi, huno Abrahamu muhulwane wa lushaka a mu fha tshafumi, tshafumi tsha zwoþhe zwe a vha a nazwo. Huno a ri nga ha tshafumi, uri, “Levi fhedzi a nga þanganedza tshafumi. Fhedzi,” a ri, “Levi, we a þanganedza tshafumi, o badela tshafumi musi a tshe khunduni dza Abrahamu.”

<sup>100</sup> Oo, ni a zwi wana izwo? [Mukomana Branham u khokhonya kha phuluphithi luṭanu—Mudz.] Abrahamu o vha a...mamakhulukuku wa Levi. Huno afha, Levi, hono fhela fhedzi miñwaha ya fumalo kana ya mađana ana fumi, khañwe mađana o vhalaho. Ndi nga si divhe uri mini, manzhi. Ndi khou tea u zwi wana, nga kha murafho. Fhedzi, Abrahamu o beba Isaka; Isaka a beba Yakobo; Yakobo a beba Levi. Huno afha, Levi, Yakobo u tea u vha khotsi awe; Isaka makhulu wawe vha mukalaha; huno Abrahamu makhulukuku wawe. Huno musi Yakobo a khunduni dla Abrahamu, Bivhili i ri, “O badela tshafumi kha Melkitsedeke.”

<sup>101</sup> Huno hoyu murafho muñuku, u tshi khou mona u tshi gidima, u tshi daha, u tshi ñwa, na zwiñwe zwothe, ni lavhelela hani muñwe murafho uri u vhe hone? Mbuno ya uri hu vhe na tshivhi, u sa vha na mikwa zwino, mbuno ya uri ri vhe na vhasidzana vhañuku zwiñarañani zwino, vhatukana vhañuku, ndi ngauri vhomme avho na vhokhotsi avho vho ita zwine vha khou ita kha miñwaho yo fhiraho.

Huno mbuno ya uri ri vhe na vhareri vhanne vha do imela Ngoho, mbuno ya uri ri vhe na vhasidzana vha fesheni ya kale, ndi ngauri vho vha na vhabebi vha fesheni ya kale murahu havho. Hezwo ndi ngoho vhukuma. Ri kha di vha na vhareri vha ne vha ima vha sa vhavhaleli na dinomineisheni, kana Ipf, ndi ngauri ro vha na vhareri vha fesheni ya kale murahu, vhe vha ima vhukuma kha vhuimo vhuthihi. Ee.

<sup>102</sup> Zwino ri kha ili duvha. Huno zwino ri khou ṭoda u amba, uri, hafhanoni, murahu kha...dziñwe dza dzi dinomineisheni, mbuno ya uri ri si vhe dinomineisheni. Huno, ngauri, arali ro vha ri dinomineisheni, ro vha ri tshi do tea u zwi gwadamela.

<sup>103</sup> Huno elelwani, ni zwimane na Mañwalo hothe hune na takalela, huno a ni nga wani fhethu na huthihi Bivhilini hune muñwe muthu o vhuya a lovhedzwa nga u shashwa, kana u shelwa, kana nga dzina la “Khotsi, Murwa, na Muya Mukhethwa.” Ngauralo, arali zwi si ho Mañwaloni, zwi tea u thoma huñwe fhethu.

<sup>104</sup> Vhunga ndi tshi ri, ndo dzula fhasi ha muri muhulwane, ndo u lavhelesa. Wa, oo, zwi nga di vha zwi—zwi na misipha, zwi—zwi nga di vha zwi zwanñhesa, zwi nga di vha zwi na maända, fhedzi zwi na mathomo. Zwi tea u thoma. Huno na zwiñwe zwothe... Hovhu vhurereli ha kale vhune ra vhuimela nga ndila ya vhudi, vhu tea u thoma huñwe fhethu. Vhu tea u vha na mathomo. Huno dziisms dzine ra vha nadzo, dzi tea u vha na mathomo. Huno Mañwalo a mazwifhi ane ra khou a shumisa kha dzidinomineisheni dzashu, a tea u vha na mathomo. Arali ni tshi ri, “Ndi wa Methodisi,” ni tea u vha na mathomo. Arali ni tshi ri, “Ndi wa Baphuthisi,” ni tea u vha na mathomo. Ni ri, “Ndi

wa Katolika,” Ni tea u vha na mathomo. Ni ri, “Ndi Mukriste o bebwaho hafhu,” ni tea u vha na mathomo. Ni tea u vha nao.

<sup>105</sup> Humelani murahu, wanani uri zwo thoma gai. Kha ri humele u rangani ha tshifanyiso. Zwenezwo arali hu si na dinomineisheni kha Bivhili, zwenezwo dinomineisheni i tea u vha na mathomo. Yo thoma nga tshivhidzo tsha Katolika. Phuresibatheriene yo tou takuwa u bva khayo.

<sup>106</sup> Zwenezwo arali Bivhili yo ri ndi mufumakadzi wa phombwe, ngauri, pfunzo yawe, o ita vhupombwe ha tshimuya. Vhupombwe ndi mini? Humbulani, ro pfuka nga khazwo zwino. Mufumakadzi a khou tshila na mukalaha wawe, u vha a tshe muthihi vhunga a sa athu kwamiwa. Ha athu tshikafhadziwa, musi a tshi khou tshila na hoyo munna muthihi. Fhedzi u sa luga ndi mini? U luga, zwo shandukiswa. Mu litsheni a tshile na muñwe munna, huno o swiphalelwa. Ni a vhona? U luga, zwo shandukiswa.

<sup>107</sup> Zwino, arali dinomineisheni yo vha yo khakhea . . . Arali yo vha i ngoho, Mudzimu o vha a tshi do ri, “Zwino ri khou ya u vha na dinomineisheni.” Huno arali . . . Tshivhidzo tsha Katolika tsho divhadzwa, Bivhilini, sa “phombwe,” tshi songo luga, ngauri tsho vha tshi khou nea vhatsho vhuṭali hatsho, huno hu si Bivhili. Mukomana, khaladzi. [Mukomana Branham u vha nda zwanda zwave luvhili—Mudz.] Katolika a i sei phanda ha zwifhaṭuwo zwanu nga ha Bivhili? Vha ri a vha na ndavha na zwine Bivhili ya amba; ndi zwine tshivhidzo tsha amba, zwine dinomineisheni yavho ya amba. Zwo luga, zworalo, ni vha vhidza hani vho khakheaho musi ni tshi do omelela kha ndovhedor ya “Khotsi, Murwa, Muya Mukhethwa,” musi Bivhili i tshi zwi haṭula? Ngauri Methodisi iralo, Baphuthisi iralo? Ndi ngani ni tshi tendelana kha u shashwa na u shelwa, ngeno hu si na zwithu zwo raloho Bivhilini? A hu na zwithu zworaloho zwa muthu a tshi lovhedzwa dzinani la “Khotsi, Murwa, Muya Mukhethwa.” Zwenezwo ndi ngani ni tshi zwi ita?

<sup>108</sup> Ni a vhona, ndi ngazwo ri si dinomineisheni. A ri tei u vha fusha. Ri dzhia . . . Musi Muya u tshi posa Tshedza kha Luñwalo, ri ima na Luñwalo na ARALO MA AMBA MURENA. Afho ni hone. A hu na zwithu zworaloho sa izwo. A zwo ngo ñwalwa kha Luñwalo.

<sup>109</sup> Oo, ni ri, “Mini nga Mateo 28:19?”

Zwino, ro swiela nga kha izwo lwa tshifhinga tshinzhi. Heyo o vha mafhungo e Yesu a amba. “Tshimbilani, ni funze tshaka dzothe, ni vha lovhedzele kha Dzina la Khotsi, Murwa, Muya Mukhethwa.” Zwo vhuya zwa vuledzwa? Ho vhuya ha vha na muthu o lovhedzwaho nga iyo ndila? Na muthihi. Zwenezwo hu tea u vha na zwithu zwo khakheaho huñwe fhethu. Ngoho, ndi Vhukatolika he ha ita izwo.

<sup>110</sup> Wanulusani arali ho vhuya ha vha kha divhazwakale, uswikela vhokhotsi vha ante-Nicene, vhoinwi vha divhi vha divhazwakale. Vhalani dzibugu dza vhokhotsi vha ante-Nicene, huno ni vhone, u gonya u ya kha khosi ya England. Muñwe na muñwe wavho o lovhedzwa nga Dzina la Yesu Kristo u swikela tshivhidzo tsha Katolika. Huno tshivhidzo tsha Katolika tshi na maanda, vha ri, u shandukisa tshiñwe na tshiñwe tshire vha khou ḥoda. Huno vha ya u lovhedza nga dzina la “Khotsi, Murwa, Muya Mukhethwa.” Martin Luther a zwi bvisela nn̄da. John Wesley a zwi tevhela. Huno Alexander Campbell a da na izwo. Huno John Smith, wa tshivhidzo tsha Baphuthisi, a tevhedzela. Afha ndi Pentekostaña nazwo, na zwino.

Fhedzi awara yo da!

<sup>111</sup> Lavhelesani zwiñtomambone, vhunga ro vha ri khazwo madekwe o fhiraho. Tshitomambone tsha u thoma ndi Tshedza. Tsha thoma u swifhala, swiswi, swiswi, u swikela tshi tshi tshimbila miñwaha ya mañana a fumi na mañanu a mirafho ya swiswi. Zwenezwo, tsha thoma u funga. Huno hu sa athu swika murafho wa tshifhinga tsha tshivhidzo tsha u fhedza, tsho dovhya tsha funga. Vhukati ha mirafho ya zwifhinga zwa zwivhidzo zwivhili, Tshedza tsho da.

Tevhelani Mañwalo, a tshivhidzo tsha Efesa, tshivhidzo tsha Thesalonika, u tsa uya kha mirafho ya swiswi. Tshiñwe na tshiñwe tshazwo, O ri, “Ni na maanda mañuku, fhedzi a no ngo hana Dzina Langa.” Huno tshivhidzo tshi tevhelaho, “No ita zwithu zwiñulu, fhedzi a no ngo hana Dzina Langa.” Ni tevhele vhokhotsi vha ante-Nicene u tsa nazwo. “A no ngo hana Dzina Langa.” Zwenezo, miñwaha ya mañana a fumi na mañanu a swiswi.

Zwenezwo tshivhidzo tsha Lutere tsha bvelela. A ri, “A ni na Dzina Langa, fhedzi ni na dzina.” A hu tsha vha Yesu; fhedzi Luña, na Katolika, na Baphuthisi, na Phuresibatheriene. [Mukomana Branham u vha nda zwanda zwawe luhibili—Mudz.] “Ni na dzina la uri ni a tshila. ‘Ri tshivhidzo tshi tshilaho. Ri khou kondelela. Ri khou ya phanđa.’ Fhedzi no fa!” Luñwalo lo ralo.

<sup>112</sup> “Ngauri a hu na liñwe dzina lo ḥeiwaho fhasi ha Liñadulu vhukatini ha vhanna, line ngalo muthu a nga tshidziwa.” Hu si... Baphuthisi a i ni tshidzi. Phuresibatheriene a i ni tshidzi. Katolika a i ni tshidzi. Yesu u a ni tshidza.

<sup>113</sup> Zwothe kha dzibugu ḥukhu dza manwalwa, khumbulelo yo itwaho nga muthu, vha a zwi vhea fhasi, “Hezwo ndi zwine ra tenda.” Huno ndi ngazwo ri tshi sendela kule nazwo. A ri na bugu ya u nwalela fhedzi Bivhili. A ri na u rangwa, a ri na mubishopho, fhedzi Muya. Izwo ndi zwone.

Huno arali hu na maya wo khakheaho u ne wa da, wa edzisa u shandukisa zwiñwe zwithu hafho, Ipfli li ḥo do zwi shandukisa.

“Hezwo two khakhea. Sendelani kule nazwo.” Ni a vhona? Afha hu da Muya, wa ri, “Hezwo two khakhea.” Wa tendelana, ngauri mimuya yashu i tendelana na Muya Wawe.

Afha ha da muñwe ngauralo, wa ri, “Oo, ri tea. Oo, Ndi humbula uri zwethe two luga uri vhaite *hezwi*, *zwila*, na *zwinwe*.”

<sup>114</sup> Fhedzi Muya uri, “Hu na zwithu two khakheaho kha izwo.” Wa humela murahu kha Bivhili wa mu bvisela khagala, nga ndila ine ra ita. “Huno two khakhea. Sendelani kule nazwo.”

Ndi ngazwo Bivhili yo ri, “Afha ndi kha uyo a re na vhuṭali. Afha ndi kha uyo a re na ḥhalukanyo. Afha ndi kha uyo a re na *izwi*.” Tshivhidzo fhaṭa, tshi tshi khou dzudzwa kha ngona. A ni vholi ndivho khulwane ya Mudzimu?

<sup>115</sup> Zwino layhelesani. Tshifhinga tsha tshivhidzo tsha Philadelphia ho vha hu tshifhinga tsha tshivhidzo tsha Methodisi, tshifhinga tsha tshivhidzo tsha lufuno lwa vharathu, u shandululwa. Hune, musi rennge ya Calvanism i tshi bvelela kha tshivhidzo tsha Anglican hangei England, hune a vho ngo tsha vha na mvuseledzo hafhu, u pambutshela kha dzimbeu dzo tumulwaho, Mudzimu a vusa John Wesley sa ramilayo, uri a dzhie pfunzo ya Arminian. Huno musi a tshi zwi ita, a khokhombela hezwo zwithu ḥohoni, huno two vha two fanelwa u itwa ngauralo. Fhedzi o ita mini? Huno afha hu da Methodisi, huno ya gidima kule *iyo* vhukuma sa musi o (vha Calvinist) vha ita nga *heyi* ndila. Zwino, vhukatini hafho, hu kha ḫivha Methodisi, hu kha di vha Baphuthisi.

<sup>116</sup> Ndi tama uri ri nga da hafha Mañwaloni zwino, Dzhiani Nzumbululo 3, huno ni do zwi wana. Zwino phanda ha... tshifhinga tsha tshivhidzo tsha u fhedza, tshine tsho vha tshi Pentekostala, ndi tsha u dudela, tshifhinga tsha Tshivhidzo tsha Laodekia, tshine tsho hañwa.

Fhedzi elelwani, vhunga Yesu o vholiwa kha tshifhambano, o ima vhukatini kha zwiṭomambone zwiṭanu na zwivhili, tsho swifhalesaho ho vha hu tshe tsha vha tshi kulesa Nae, tshanda Tshawe tshauṭa na tshanḍa Tshawe tsha monde. “Huno o vha A tshi levhelesea sa Mathomo na Magumo.” Hu si zwa vhukati. “Ene—ene Mathomo na Magumo,” sa musi O phaḍaladza zwanda Zwawe. “Huno O vha a tombo la jasper na la sardine,” le la vha li Benjameni na Rubeni, “wa u thoma na wa u guma.” Fhaṭa O vha a na zwanda Zwawe two phaḍaladzwa. O ima heneffo.

<sup>117</sup> Fhedzi elelwani, kha u ḥawa ha izwi, ni so ngo zwi tanganyisa. Ngauri, musi vha tshi ḥanganedza haya madzina hafha, a hedzi dinomineisheni, vha do fa kha zwithu zwithihi, u tsa nazwo. Fhedzi O ri, vhukatini ha Methodisi na Pentekostala, u ya nnida, “Ndo vheya vothi lo vuleaho phanda hanu.” Khe two, Dzina li khou vhuedzedzwa hafhu. “Ndo vheya vothi lo vuleaho. Ngauri Nne ndi Ndila, Ngoho, na Vhutshilo. A hu na muthu ane

a nga da ha Khotsi a so ngo fhira nga kha N̄ne.” Ndi mini? Helo vothi lo vuleaho.

<sup>118</sup> “Tswititi!” Tswititi, arali no limuwa, a i ngo l-a-p-f-a. Ndi t-s-w-i-t-i-t-i. “Tswititi ndi ndila.” Tswititi, ndi mađi.

Hani? “U humela murahu kha Dzina la Yesu, le na vha ni na lo. A ni ngo... Ni na vhutshilo vhutuku; a no ngo landula Dzina Łanga.” Zwenezwo, zwenezwo, *hafha* vho li xedza, vha ya kha dinomineisheni ya Katolika; vha bva vha da kha dinomineisheni ya Lułtere, vha bva vha da kha dinomineisheni ya Wesley, zwezwo vha khou ya kha Pentekostała.

Fhedzi, musi vhufhelo ha tshifhinga hu sa athu swika, Mbeu yo ḥuwa tshothe u bva shangoni. Yo fhela, Mbeu ya vhavhuya. Mbeu ya ḥowa i khou kuvhangana nga u ḥavhanya na u ḥavhanya na u ḥavhanya, u lugela uno murafho wa athomo, uri u tshinyadzwe. “Fhedzi phanda ha itshi tshifhinga, ndi do vhea ndila ya u ponya. Ndi do vhea phanda hau vothi lo vuleaho. Gethe lo aṭama fhedzi ndila ndi tsekene, huno hu do vha na vhaṭuku vhane vha i wana. Fhedzi yo aṭamaho ndi ndila ine ya isa tshinaloni, huno vhanzhi vha do ya khayo.” Khezwo. Phanda ha izwi, hetshi Tshedza tshihulu tsho vha tshi khou tea u ḥavha.

<sup>119</sup> Ndo takala vhukuma. A thi divhī uri ndi zwi sumbedzise hani, ndo takala vhukuma. Afha khezwi, tshifhinga tsha u vala, huno a thi athu kwama theroyanga.

<sup>120</sup> Ndi khou ḥoda u amba nga ha: *Ndovhedzo Ya Muya Mukhethwa*. Ndi khou ya u i kwama, naho zworalo, lwa fumi, miniti ya fumi na miṭanu. Zwino, A thi nga ni fari lwa awara tharū vhunga ndo ita madekwana a mulovha; ndi do edzisa u szi zwi ita.

<sup>121</sup> Zwino, arali vha na ndovhedzo ya mađi i si yone, dzidinomineisheni dzo khakha. Huno nnyi na nnyi a no tendelana na dzinwe dinomineisheni zwi khagala u khou tikedza zwithu zwo khakeaho. Vha khou tikedza zwine Mudzimu a lwa nazwo. U ralo kha hetshi tshifhinga tsha tshivhidzo. U ralo kha Mańwalo, huno vho vhidzwa dziphombwe, ngauri, “Vha funza Pfunzo ya zwidayo dayo zwa vhathe.” Zwino, ri kho...

<sup>122</sup> Ndo ya ḥunwe fhethu a si kale, kha muńwe munna o da fhano, a khou ḥwala nganea nga ha phodzo Khethwa. Huno a ri, “Tshithu tshi tshothe nga ha iwe, Mukomana Branham,” a ri, “vhathe vha lwa na iwe ngauri u ya kha vha Pentekostała.”

Nda ri, “Zwo luga, ndi do da kha yau,” nda ri, “arali ni tshi do ntikedza doroboni yanu.”

A ri, “Zwo luga,” a ri, “ndo—ndo zwi dzhia hezwo.” A ri, “Ndo zwi i sa kha mubishopo wa *hetshi* tshivhidzo, tshivhidzo tsha Methodisi.” A hu na ḥodeea ya u rwana ngazwo. A ri, “Ndo zwi dzhia, huno vha ri, ‘Zwino, u a vhona, rińe, sa tshivhidzo tsha Methodisi, a ri tendi kha haya madembe.’”

<sup>123</sup> Zwino ni khou ya u ita mini? Zwino ni khou ya u thetshelesa tshivhidzo tsha Methodisi, kana dinomineisheni? Arali ni khou ya, ni murereli wa phombwe. Ni humbula u nga tshivhidzo tsha Baphuthisi tshi nga tikedza khampheini ya zworaloho? [Tshivhidzo tshi ri, “Hai.”—Mudz.] Ndi ngani? Ngauri vha vha Baphuthisi. Bivhili i ri vha dziphombwe. Tsho bveledza vhananyana vhatsho, huno vho vha vha “dziphombwe.” Ndi ngani? Dzi khou bvisela nn̄da lushaka luthihi lwa pfunzo, pfunzo yo i twaho nga muthu, madzuloni a Pfunzo ya Mudzimu. Ndi ngazwo ri songo di dinomineitha na vha Baphuthisi. Ndi ngazwo ri so ngo di dinomineitha na vha Methodisi.

<sup>124</sup> Zwino, ndi ngani ri so ngo dinomineita na vha Pentekostała? Afha ni fhano. Izwo ndi zwone zwone. Vha Pentekostała ndi musi vho ima gai... Arali—arali tshivhidzo tsha Luṭere tsho ima hune tsha do thoma hone, zwo vha zwi tshi do vha zwi Pentekostała. Fhedzi vho dinomineita, ngauralo Mudzimu a vusa inwe pentekostała, i vhidzwaho u pfi Wesley. Huno musi Wesley a tshi dinomineita, A vusa muñwe, a vhidzwaho u pfi Baphuthisi. Musi vha tshi dinomineita, huno A vusa muñwe, a vhidzwaho u pfi Campbellites. Musi vha tshi dinomineita, A vusa muñwe, a vhidzwaho u pfi Pentekoste. Musi vha tshi dinomineita, U khou tshimbila. Itanu lavhelesa ni vhone.

<sup>125</sup> A si mbekanyamushumo Khethwa ya Mudzimu. A zwi ho kha mbekanyamushumo ya Mudzimu, u vha na hedzo dinomineisheni. Ngauralo, ni a vthona, ndi ngazwo ri si dinomineisheni.

<sup>126</sup> Elelwani hezwi. Ndi ri, u rangani, zwino, arali nda ni vhaisa, a thi ḥodi u ralo. Hezwi ndi zwa tshivhidzo. Arali ni khou dzula, ri nga tama u vha na inwi fhano, fhedzi hezwi ndi zwine ra imela, huno na uri ndi ngani ri si dinomineisheni.

<sup>127</sup> Zwino, dinomineisheni, tsha u tou thoma, yo khakhea, na vhareri vha si vha vhukuma. Ndo ri zwi do vhaisa, huno ndi khou ḥoda zwi tshi vhaisa. Vha tou vha vhareri vha si vha vhukuma. Munna muñwe na muñwe ane a divha hezwo zwithu, nahone a ima a ḥungunudza, u i tela Baphuthisi, Methodisi, Luṭere, kana Pentekostała, a tshi divha uri Bivhili i funza two fhambanaho, u muporofita wa mazwifhi. A hu na u nambatela khazwo. Hezwo ndi zwa vhukuma kuma. Ndi nga zwo ndi so ngo vha murado wa Khuvhangano. Ndi ngazwo ndi so ngo vha murado wa Vhuthihi. Ndi yone mbuno ndi so ngo vha murado wa Baphuthisi, Methodisi, kana Phuresibatheriene, ngauri ndi dza mazwifhi. A thi khou ri vhathu vhadzo a si vha vhukuma. Ndi khou ri vhuṭali havho a si ha vhukuma, ngauri a vhu vhambedzei na Ipfi la Mudzimu.

Paulo o ri, “Arali mu...” O ya hafha... Irini ndi ni sumbedze zwe Paulo a amba, phanda ha musi ri tshi ḥutshela heyi ndovhedzo ya madi.

<sup>128</sup> Musi Yesu a tshi ḋivhisa, kha Mateo 28:19; Petro, ho no fhela maduvha a fumi, a ri, “Shandukani noṭhe vhoiñwi huno ni lovhedzwe nga Dzina la Yesu Kristo u itela u hangwelwa zwivhi zwanu, huno ni ḍo ṭanganedza tshifhiwa tsha Muya Mukhethwa.”

Tshifhinga tshi tevhelaho tshe ndovhedzo ya ambiwa, musi Filipi wa muivangeli a tshi tsa a funza Vhasamaria. Huno a lovhedza muñwe na muñwe wavho nga Dzina la Yesu Kristo. Paulo... Petro a ḍa, kana Petro na Yohane, nga inwe ndila, huno vha vha vheya zwanda khavho; vha ṭanganedza Muya Mukhethwa.

Zwenezwo vha ḫuwa vha ya n̄tha hangei. Petro a ya o tou livha kha nn̄du ya Cornelius. Huno musi Cornelius... “Musi Petro a kha di amba aya Maipfi, Muya Mukhethwa wa wela khavho.” Petro a ri, “Ri nga si hanise mađi, ri tshi zwi vhona uri avha vho ṭanganedza Muya Mukhethwa vhu nga ro ṭanganedza u rangani.” Huno a vha laya uri vha lovhedzwe nga Dzina la Murena Yesu Kristo.

<sup>129</sup> Zwino, Paulo a pfuka nga kha khunzi khunzi ya Efesa; a wana vhañwe vha Baphuthisi. Huno vho vha vha na—vha na muapostola n̄tha hafho, muapostola wa Bivhili, huno dzina lawe lo vha li Apolo. O vha a ramilayo, o rembuluwa, huno o v̄ha a khou lingululela vhatthu uri Yesu o vha a Kristo, nga Bivhili. A ri, “Me—Mesiya u fanela u ita zwithu zwiñwe. Hoyu Munna o vha a Mesiya.”

<sup>130</sup> Huno vho vha vha na mavhutu a vhatthu heneffo, huno vho vha vha khou takala, vha tshi khou pembela, huno vha na tshifhinga tshihulwane tshazwo. Aquila na Priscilla vho ya heneffo huno vha vha mirado yavho, vha vha na vhuledzani navho. Vho vha vha si na dinomineisheni. Vho vha v̄ha tshi khou vha na vhuledzani. Huno vha vhona uri hoyu munna ndi munna muhulwane, oo, o ṭalifha, axennde, huno o vha a—o vha a munna wa vhatthu. Ngauralo a... Vha ri, “Zwino, iwe, u a kona kha zwine wa ḋivha, fhedzi ri na murathu mutuku o no pfi Paulo. Musi a tshi ḍa, u na tshenzhemo, u a ḋivha zwine a amba nga hazwo. U ḍo u funza ndila ya Murena zwi khagalesa, arali wa tou dzula huno wa thetshelesa. Zwino, u so ngo edzisa u kombetshedzela zwithu khae, ngauri ha nga zwi imeli. Ni a vhon? Fhedzi u sokou—sokou ya phanḍa, u mu thetshelese.”

<sup>131</sup> Huno Paulo a bvelela. A vha thetshelesa, a lavhelesa luthihi heneffo.

A ri, “Hezwi ndi zwavhudī, fhedzi no ṭanganedza Muya Mukhethwa, vhoiñwi vha Baphuthisi, u bva tshe na tenda?”

“Oo,” vha ri, “a rina Wo?”

“A thi humibili ngauralo.” Ni a vhon?

“Zwo luga, ngani?”

“Zwo luga, no lovhedzwa hani?”

“Oo, ro lovhedzwa. Ro lovhedzwa.”

<sup>132</sup> “Zwo luga, ndi nnyi o ni lovhedzaho? Nahone no lovhedzwa hani?”

Bivhili i ri, “kha mini.” Tshigerika, kana tsha vhukuma-kuma, tshi ri, “kha hani.” Huno iyi i ri, “*kha mini*.” A ri, “No lovhedzelwa ngani?” Nga mañwe maipfi, “No lovhedzwa hani?”

<sup>133</sup> “Ro lovhedzwa nga Yohane Mulovhedzi, munna muthihi we a lovhedza Yesu Kristo, kha dindi l̄ithihi ḥa mađi.”

Heyo ndi ndovhedzo ya vhudi, a ni humbuli ngauralo? Zwi vhonala vhu nga hezwo zwi ḫo farelela zwavhuđi, kani a zwi ralo? Zwi vhonala u nga zweithe zwi ḫo luga, arali munna we a dzhena madini na Murena washu Yesu Kristo huno a lovhedza Yesu. Huno Mudzimu a zwi tendela, u swikela A tshi tsa fhasi kha tshivhumbeo tsha Muya Mukhethwa huno a ya Khae. Huno A ri, “Hoyu ndi Murwa Wanga mufunwa wanga ane nda takalela u dzula khae,” zwenezwo phanda ha ndovhedzo. Zwi vhonala kha nne u nga ndovhedzo iyo yo luga.

<sup>134</sup> Huno Paulo a ri, “A i tsha ḫo shuma hafhu. A i tsha ḫo shuma.”

“Ndi ngani i sa tsha ḫo shuma?” Ni a vhona?

“Ni tea u lovhedzwa hafhu.”

“U amba uri ri tea, ro lovhedzwaho nga Yohane, we a lovhedza Yesu, ri tea u lovhedzwa hafhu?”

“Izwo ndi zwone.”

A ri, “Ri tea u lovhedzwa hani?”

<sup>135</sup> A ri, “Nga Dzina ḥa Yesu Kristo.”

Huno Paulo a vha dzhia afho huno a vha lovhedza vhothe, hafhu. Mishumo 19:5. “Huno musi vha tshi pfa izwi, vha lovhedzwa hafhu, zwino, nga Dzina ḥa Yesu Kristo. Huno Paulo a vhea zwanda zwawe khavho, huno vha ṭanganedza Muya Mukhethwa.”

<sup>136</sup> Arali Paulo o kombetshedza vhanna na vhafumakadzi uri vha lovhedzwe hafhu, nga Dzina ḥa Yesu Kristo; arali nda funza manwe Mafhungo-madjifha, zwenezwo mya wanga a si wone u nga zwe wa Paulo wa vha u zwone. “Mu litsheni a limuwe uri zwine nda nwala ndi ndaedzo dza Murena.”

<sup>137</sup> Huno zwino kha Vhagalata 1:8, Paulo o ri, “Arali muruňwa wa Ṭadulu a ḫa, muruňwa wa tshedza tshi penyaho.” U khou amba nga ha mini? Nzumbululo. Kha hu rendwe Dzina ḥa Murena! A zwi na ndavha uri nzumbululo yaňu ndi ya vhuđi hani. Ni a humbuli tshumelo yashu ya u thoma matsheloni ano, Urim Thummim? Arali tshiňwe tshithu tsha ḫa tsha dzumbulula zwavhuđi; ndi muzwifhi, ndi muruňwa a si wa vhukuma, huno muthu ane a hwala mulaedza wawe ndi muporofita wa u zwifha.

Hu na ndila nthihi ya u lovhedziwa, heyo ndi Dzina la Yesu Kristo. Arali ni so ngo lovhedzwa nga heyo ndila, hu na fhethu ha u lovhedzela ho ni lindelaho. Izwo ndi zwone.

<sup>138</sup> Zwa mazwifhi! Nngwaneleni fhethu huthihi hune muñwe muthu o vhuya a lovhedzwa nga dzina la “Khotsi, Murwa, Muya Mukhethwa.” A zwi ho kha Mañwalwa makhethwa. Ndi mini izwo? Ndi dogima dze dza thoma kha tshivhidzo tsha Katolika. Ri nga tikedza izwi. Ri na pfunzo yo fhelelaho ya vho-khotsi vha Nicene. Ri na divhazwakale yazwo. Ri na Hislop *Two Babylons*. Ri na mañwalwa a Josephus<sup>1</sup>. Ri na zdidivhazwakale dza vhakale. Huno Josephus o ñwala nga tshifhinga tsha Murena Yesu. Hislop *Two Babylons*, vho ñwala murahu ha izwo. *Vho khotsi vha Ante-Nicene* vho ñwala murahu ha izwo, phanda ha u vhumbwa ha tshivhidzo tsha Katolika. Huno zwenezwo tshivhidzo tsha Katolika tsha thoma, huno tsha sundudzela kule zwothe huno tsha dzhia ndango, vhone vhañe, midzimu ya Roma yo itwa mupapa wa Roma. Huno benefho vha disa ndovhedzo ya madini ya mazwifhi, u shashwa; huno u bva kha Dzina la Murena Yesu, u ya kha “Khotsi, Murwa, Muya Mukhethwa.” Huno Yesu o ri, phasi ha þuþhuwedzo ye A nea Yohane hangei Patimosi, “Ni na dzina la uri ni a tshila, fhedzi no fa.” “Khotsi, Murwa, Muya Mukhethwa” ndi dzina li faho.

<sup>139</sup> Irini ndi ni vhudze tshenzhemo tshanga tshiþuku; Switzerland, Germany, huno na fhethu hune ndo no vhuya nda ya.

Mingome vha shuma hani? Muya muvhi u tshimbila hani? Ndi khou þoda vhoinwi ni tshi ntenda, sa mufunzi wanu, ngauri ndi khou amba na vhoinwi. Vhodiabolo vha tshimbila nga dzina la “Khotsi, Murwa, Muya Mukhethwa,” Vha tumula phapha, na zwiñwe zwithu zwothe, huno vha posana nga mishonga, nga kha dzina la “Khotsi, Murwa, Muya Mukhethwa,” vha zwi vhidza madzina mararu a ntha. Mme azwo ndi zwivhidzo zwa Katolika. Vha ya kha hezwi zwifanyiso zwiþuku huno vha gwadama benefho, huno vha tumula muthenga nga zwigero, huno vha zwi shandukisela murahu, nahone vha posa mishonga kha vhadzulatsini vhavho, huno na zwiñwe zwinzhi, hune vha fhiswa u swika vha tshi fa, na zwiñwe zwinzhi, nga nthani ha izwo.

<sup>140</sup> Hangei Switzerland, ndo ima na zwanda zwanga kha pala, vhunga *hezwo*, he vhanna na vhaftumakadzi vha fulufhedzeaho vha fa, musi vha tshi tumula malimi avho, huno vha fhiswa maþo avho, na zwiñwe zwinzhi, nga tsimbi dzi fhisaho, hetshila tshivhidzo tsha Katolika tsha phombwe. Hu si hezwo fhedzi, fhedzi zwivhidzo zwa Anglican zwa u thoma, nazwo. Huno na zwivhidzo zwa vhoinwi zwa Poretesitantsi zwe ita zwithu zwithihi. Huno vha posela heyo mishonga, nga “Khotsi, Murwa, na Muya Mukhethwa.”

<sup>141</sup> Murathu wanu na mufunzi wanu, ndo no vha na—na zwikhala zwihiwlwane, nga tshilidzi tsha Mudzimu, u tsireledzea kha hezwi zwithu, fhedzi u ɖivha lwa u tou thoma zwe nda vha ndi khou amba nga hazwo. Hune, mufumakadzi, o ɖa kha hetshi tshivhidzo, a nkhaṭula a ri, “U khou ita vhutsilu na zwa tshimuya.” Mudzimu a re Ṭadulu u a ɖivha uri zwe vha zwi nga ha mini zweṭhe. Ndi nga si dzhie muthu na muthihi... A tho ngo...

<sup>142</sup> Musi vha tshi mmbudza uri Pigalle, hangei Paris, ho vha hu fhethu hvahi vhukuma, ndo zwi ɖivha hani? Ndo vha ndi sa athu u ya. Huno nda ya heneffo u wanulusa arali zwe vha zwi zwone kana hai. Ndo dzhia vhareri vhavhili kana vhañwe vhararu huno nda ya kha vhenevho vhafumakadzi huno na zwithu zwine zwa kanda kha zwenezwo zwiṭaraṭana zwiñwe. Ndi ngoho.

<sup>143</sup> Ndo ɖivha hani uri Roma yo dzula kha thavha thanu na mbili? Ndo ɖivha hani uri mupapa u na VICARIVS FÍLII DEI? Ndo tea u dzhia ipfi la muñwe muthu khazwo. Ndo ɖivha hani uri khare tharu dzi kha mupapa; maända a vicar ya Ṭadulu na shangoni na heleni? Ndo zwi ɖivha hani u swikela ndi tshi ya nda zwi vhona?

<sup>144</sup> Ndo ɖivha hani uri hu na Mudzimu a tshilaho? Hu si fhasi ha vhutali ha muñwe muthu, kuñwe ku pfectesele kwa muhumbulo lwa ‘tshikhathi tsha zwipfi tsho fhiraho kha murafho wo fhiraho, vhunga muthu a sa tendi a tshi do ri vhudza. Fhedzi liñwe ɖuhva, fhasi henengei, ndo Mu wana nda amba Nae, ro livhana tshifhaṭuwo. Hezwo zwe ita uri zwithu zwi vhe khwiñe. Zwavhukuma-kuma.

<sup>145</sup> Zwa tshimuya zwi shuma nga kha “Khotsi, Murwa, na Muya Mukhethwa.” Ndo ima kha miṭangano he havho vhaloi vha vha vha tshi khou shuma. Ni so ngo humbula uri a vha nga ni lingedzi. Vho ima heneffo. Vha posa tshiṭafula n̩tha tuyani, huno tsha papamala; huno na kaṭara i tshi khou tamba. Ndo ima heneffo, huno vho vha vha tshi khou ḥoda u bvisela nn̩da. Nda ri, “Ni khou khakha.” Huno maya wa amba murahu navho, maya u tshi khou ḥanziela u vha wa Mudzimu, wa ri ndi Mudzimu. Nda ri, “Zwo khakhea. Ndi diabolo.”

Vha ri, “Hoyu munna ndi a sa tendiho.”

<sup>146</sup> Nda ri, “Ndi a sa tendiho kha hezwi zwithu, ngauri a si zwa Murena wanga. Hezwi ndi vhuloi. Hezwi ndi zwa diabolo.” Nda ri, “Zwino, afha ndi do edzisa helia Dzina la maända le nda lovhedzelwa khaļo.” Nda ri, “Nga dzina la ‘Litadulu la n̩tha, mmbudzeni ngoho.’” Ndi sa fhinduliwe. Nda ri, “Nga dzina la ‘Tshivhidzo tshikhethwa,’ mmbudzeni ngoho.” A si mphindule. Nda ri, “Nga dzina la ‘Khotsi, Murwa, na Muya Mukhethwa,’ mmbudzeni ngoho.” Huno a si mphindule. Fhedzi, Nda ri, “Nga Dzina la ‘Yesu Kristo,’ mmbudzeni ngoho.”

<sup>147</sup> A ri, “Ee. Zwo khakhea.” Mudzimu u ya zwi ḥivha izwo uri ndi ngoho. Ee, muṇe wanga. Oo!

Lutendo kha Khotsi, lutendo kha Murwa,  
 Lutendo kha Muya Mukhethwa, hezwi zwiraru  
     ndi Tshithihi;  
 Vhodiabolo vha ḥo tetemela, vhaitazwivhi vha  
     vuwa;  
 Lutendo kha Murena Yesu lu ita uri tshithu  
     tshińwe na tshińwe tshi dzinginyee.

Ee, muṇe wanga. Dzulani kha heļo Dzina.

<sup>148</sup> “Ni na dzina ḥa uri ni a tshila, fhedzi no fa.” Khetsho tshivhidzo tshańu. Khezwo heneffo.

<sup>149</sup> Thetshelesani. Hu na mufumakadzi muthihi o dzulaho... . Hu na wavhuđi, a vhonala ho wavhudi, mufumakadzi wa u naka o dzulaho kha tshino tshivhidzo matsheloni ano. Mufumakadzi mułuku, mufumakadzi wa mińwaha ya vhukati, mufumakadzi muhulwane, vhothe vho luga. Vha vhafumakadzi vha vhańwe vhathu, vhananyana vha vhańwe vhathu, dinga ḥa mbilu ya vhańwe vhathu, na zwińwe zwinzhi. Vha, muńwe na muńwe. Hu na Vho-mme. Branham muthihi o dzulaho hafha. No tou ralo, muńwe na muńwe wanu, vhasadzi. Fhedzi hu na Vho-mme. William Branham muthihi. Ndi ene ane a ya hayani na nne. Ndi ene ane a vha dinga ḥa mbilu yanga. Ndi ene ane a khou alusa vhana vhanga.

<sup>150</sup> Hu na zwivhidzo zwinzhi zwavhuđi namusi shangoni. Fhedzi hu na tshithihi tshi re Vho-mme. Yesu tshine tsha khou bveledza zwa vhukuma, ngoho, zwivhumbwa zwo bebwaho hafhu zwa Mudzimu. Ni a ḥivha zwine nda khou sumbedzisa, a ni ralo? Dzina ḥawē a si Methodisi. Dzina ḥawē a si Baphuthisi. Dzina ḥa we ndi Yesu, Vho-mme. Yesu. Zwavhukuma, U zwone. U khou bveledza vhathu, hu si mirađo ya tshivhidzo tsha Methodisi. Ha khou bveledza tshivhidzo tsha Baphuthisi, kana Phuresibatherieni, kana Katolika. U khou bveledza vhone, vho bebw, huno vha ḥokwa na u simiwa kha Kristo Yesu. Afho Khayo. Ndi Ene. Ndo takala vhukuma nga uri ndi Nae. U Tshivhidzo tsha tshiphiri. Ha na dinomineisheni na nthihi. Ha hwali madzina haya mahulu a vhūtholi na zwifhađo zwihiulu. U ḥangana huńwe na huńwe hune mirađo ya Muvhili ya kuvhangana yothe. Vha losha kha Muya na kha Ngoho. Vho vha vho tiwa phanda ha mutheo wa shango.

Luńwe luńwalo hafhu, huno ndo ni fulufhedzisa ndi ḥo vala. Huno ndi ḥo litsha zwińwe u swikela madekwana a ḥamusi. Leo, ni nga zwi fara hezwo madekwana a ḥamusi, zwenezwo.

<sup>151</sup> A ri ye kha Vhaefesa, lwa minete. Ndi khou tou vhala holu Luńwalo luthihi, zwenezwo ndi khou ya u zwi sia kha vhoinwi. Ri wana zwe Bivhili ya amba zwino nga ha hezwi. Ndi khou ya u dzhia hoyu mudededzi muhulwane, Paulo, ane a... A hu athu

vhuya ha vha na tshithu tshi ngaho ene. O vha a muapostola kha Tshivhidzo tsha Vhannda. Zwothe zwe luga. Wanani Vhaefesa 1.

<sup>152</sup> Huno zwino ri khou ya u vala, lwa minete. Thetshelesani izwi, khonani dzanga dzi funeaho. Thetshelesani Paulo a tshi khou rera kha Tshivhidzo tshithihi tshine Nne nda khou rera khatsho, matsheloni ano.

*Paulo, muapostola wa Yesu Kristo nga lufuno lwa . . . (tshivhidzo tsha Phuresibatherieni? Tshifhio tshivhidzo?) . . . lufuno lwa Mudzimu, kha vhakhethwa (vho khethefhadzwaho) vha re Efeso, . . .*

Zwino, humbulani, vho balangana na shango lothe. Fhedzi, hetshi ndi tshigwada tshi re Efeso, vhanie a khou amba navho. Zwino, ha khou amba na shango. Ha khou amba na mirado zwayo ya tshivhidzo. U khou livhisia hezwi kha vho khethefhadzwaho. A ri vhone.

*. . . huno na kha vha fulufhedzeaho kha Kristo Yesu:*

Ri dzhena hani kha Kristo Yesu? “Nga Muya muthihi rothe ro lovhedzwa,” u tshila lu fulufhedzeaho. Ni zwi divha hani uri ni na Muya Mukhethwa? Ri khou ya u swika kha hezwo khanwe madekwana a namusi. Ni a vhona? Zwothe zwe luga.

*. . . kha Kristo Yesu:*

*Tshilidzi kha tshi vhe kha inwi, na mulalo, u bva kha Mudzimu Khotsi ashu, na . . . Murena Yesu Krito.*

*Kha hu rendwe Mudzimu na Khotsi a Murena washu Yesu Kristo, we a ri fhaṭutshedza nga phaṭutshedzo dzothe dza tshimuya kha maṭadulu . . .*

<sup>153</sup> Ni a divha, a zwi dzhii u zhamba hunzhi. A zwi dzhii u tavha mikosi hunzhi. Hezwo zwe the zwe luga; a hu na tshithu tshi lwaho nazwo. Zwothe zwe luga. A zwi dzhii hezwo. Zwi dzhia mbi-mbilu yo diṭukufhadzaho, u dzula Maṭadulu, u la kha zwithu zwa Muya. Huno Muya u la kha mini, tshipfi? Hu si zwe the. Zwi disa tshipfi. Ni a vhona? Fhedzi ni nga . . .

<sup>154</sup> Humbulani. Ni a humbula bono nga ha mvula na goroi, mifhodze? Ni a humbula. Musi hu na thodea ya mvula, hu na mifhunga miṭuku, u na thocho yawo wo kwatamela fhasi; goroi na thocho yayo yo kwatamela fhasi. Musi mvula i tshi da, zwe the zwa fhufha zwa zhamba. Mvula nthihi. “Fhedzi nga mitshelo yavho ni do vha divha.” Lavhelesani.

*Tshilidzi kha vho inwi, . . . u bva — u bva kha Mudzimu Khotsi ashu, . . .*

Zwino lavhelesani. “U ya . . .” Ndimana ya vhu 4 zwino.

*U ya nga he a ri ḥanga khae . . .*

Kha mvuseledzo ya u fhedzisela? [Tshivhidzo tshi ri, “Hai.”—Mudz.] Huh? [“Hai.”] Musi ndi tshi vha murado wa

Baphuthisi kana tsha Meth-...? Hai. “O ri ḥanga,” phanda ha musi vha tshi vha na muṭangano. Ee.

. . . *phanda ha mutheo wa shango*, . . .

O ri ḥanga zwenezwo. Hu si, a ri ngo Mu ḥanga. O ri ḥanga. Ni a vhona? O ri ḥanga zwenezwo phanda ha mutheo wa shango.

. . . *uri ri vhe vhakhethwa* . . .

<sup>155</sup> Ro vha vhakhethwa hani? Hu si nga kha zwe ra ita, fhedzi zwe a ri itela, ngauri ri nga ȳiite. Ni nga ita hani uri nguluvhe i vhe ngwana? Mukomana Roy, ni alusa nguluvhe na ngwana, zwoṭhe. Ni nga si—ni nga si—ni nga si zwi ṭanganyise. Nguluvhe i tou... i sokou ya heneffo ya la zwithu zwa mifuda zwine ya nga kona. I do ya kha thulwi dza mupfudze huno ya la thumbu ya dala. Zwo luga, a ni pfi ni si wavhudzi nga izwo. Ni humbula uri nguluvhe yo luga. I tou vha nguluvhe ya vhudi. Zwo guma heneffo. Fhedzi a ni vhoni ngwana heneffo. I nga si i rambe u itela tshilalelo; i nga si de. Hai. Mulandu ndi mini? Ngauri, ndi nguluvhe. Ni nga ya na i vhudza uri i khou khakha. “Phathutshedzo kha Mudzimu, ndi nguluvhe. Dzulani fhethu hanu. Ni ya heneffo, ni vhe muvhumbuluwi mukhethwa arali ni tshi khou ṭoda u vha.” Afho ni re hone.

“Arali ni tshi funa shango kana zwithu zwa shango, lufuno lwa Mudzimu a lu ho kha iñwi,” Ipfi li ralo.

<sup>156</sup> Zwino, hu si ngauri ndi litsha u la mupfudze, zwi nnyita uri ndi vhe o fhambanaho na nguluvhe, ni a vhona, zwo nnyita uri ndi sa tsha vha nguluvhe. A si hezwo. Fhedzi musi mvelo yanga i tshi shanduka. “Oo, vha vheya mutsheṭo u mona, ndi a humbulela. Vha ya vhihela. A thi tei u ita *hezwi*? Oo, hai. A ni honeli tshithu na tshithihi kha hezwi. Ni tou bebwā hafhu fhedzi. Ndi zwezwo fhedzi. Ni di tou shandukiswa. Hezwo ndi zwone.

<sup>157</sup> Fhedzi arali na dzhia maya u bva kha iyo—kha iyo ngwana na u vhe a kha nguluvhe; ngwana i do ita zwithu zwithihi. Nguluvhe i do ita zwithu zwithihi zwine maya wa ngwana khayo wa ita, huno ngwana i do shanduka huno ya ita zwithu zwithihi zwine nguluvhe yo ita.

Zwino ni a vhona, vhoiñwi dzinguluvhe, hune na vha hone? Ni a vhona? Hezwo ndi zwone-zwone. Hezwo ndi zwone. Ni a vhona? Ni bva na ya nnda na funa zwithu zwa shango, na ambara zwipfufhi na ita hezwi zwithu zwoṭhe. Iyani phanda, zwi sumbedza zwine na vha.

<sup>158</sup> “Nga mitshelo yavho ni do vha divha. Munna u ya kuvhanganya mahuyu kha mipfa?” Ni a vhona? Hai, hai. Ni dzhia mahuyu kha miri ya mihuyu. Ni wana maapula kha miri ya miapula. Ni wana mipfa kha miri ya mipfa. Hezwo ndi zwone.

Zwino, thetseleselani nga vhuronwane zwino.

*O vha o dzula o ri ta u vha vhathihī na Yesu Kristo  
uri ri vhe vhana vhawe, u ya nga ene muñe, u ya nga u  
takalela hawe ha vhudi ha lu—lufuno lwave,*

*O vha o dzula o ri ta, u itela u rendwa ha vhugala hawe  
ha tshilidzi tshawe, hune o ri ita uri ri ḥanganedzeye kha  
mufuñwa.*

<sup>159</sup> Ndi nnyi o zwi itaho? “Ngauri ndo ḥutshela u ñwa? Ngauri ndo ḥutshela u daha?” Hai. O zwi ita. O nnyita, phanda ha mutheo wa shango, a ḥanganedzeyaho vhuhoneni ha tshilidzi Tshawe. A hu na zwe nda ita. A tho ngo ita tshithu na luthihi nga hazwo. A hu na tshithu na tshithihi tshe nda ita.

Ndo vha ndi nguluvhe, tsha u tou thoma. Ndo vha ndi muitazwivhi, ndo bebwa muñini wa zwidakwa, ndo aluswa nga halwa vhu si ho mulayoni, ndo dzula kha barele ya zwikambi, zwi tshi shonisa. Hezwo ndi zwone. Muñombi wa halwa ha Kentucky vhu si ho mulayoni, ndi sa athu vhuya nda ambara phere ya zwienda u swikela ndi tshi vha mutukana muhulwane. Mavhudzi o ḥembelela na mutsinga wanga, ndo dzula heneffho kha barele la halwa vhu si ho mulayoni, ndi tshi khou ita halwa vhu si ho mulayoni.

Fhedzi, Muya Mukhethwa wa da kha nne, ndi na miñwaha ya sumbe, wa ri, “U so ngo kwama na rotha ḥaho. Huno u so ngo gidima-gidima na havho vhasidzana vhañuku nn̄da hafho. Huno u so ngo dahan fola kana u ḥafuna ḥafuno la fola.” Oo, nne nne! Zwo vha zwi mini? Lufuno lwa vhudi lwa Khotsi, u bva phanda ha mutheo wa shango, uri U do nthuma u rera Mafhungo madifha na u ranga nngu Dzawe. Mudzimu a Mu shudufhadze nahone, u ya nga hu sa fheli, helia Dzina lihulu! Ndi do dzula kha Bivhili Yawe, u ñuvhela kana u ngwandamela, u ñivhea kana u sa ñivhea. Kana muñwe muthu u ya mpfuna, kana hai, ndi do Mu takadza. Ndi khou ḥoda u ita hezwo zwi Mu takadzaho.

<sup>160</sup> Arali Baphuthisi ya ntsedzela fhasi, Methodisi; Pentekostała, n̄tha kha “vhutanzi ha u ranga, u amba nga ndimi, uri ndi Muya Mukhethwa.” Ndi nga zwo ri si dici Pentekostała. A ri tendi kha uri u amba nga ndimi zwi ni ita uri ni vhe no dadzwaho nga Muya Mukhethwa, hu di nga u tenda uri u tshila kha tshikwita zwi do ni ita nguluvhe. Hai, muñe wanga. Hu di nga u tenda u dzula kha—kha pfamo ya khosi zwi ni iti khosi. A zwi ni iti! Ni nga vha mulanda. Ni a vhona? Ni nga vha tshiñwe na tshiñwe. Hai, muñe wanga.

<sup>161</sup> Ri a tenda uri ni ḥanganedza Muya Mukhethwa nga tshenzhemo, hu si nga khumbulelo ya ndiñvo ya tshiphiri ya Mañwalo, fhedzi nga tshenzhemo tshire inwi ni noñhe na ñivha. Zwino, arali ni khou ḥoda u ñivha uri khanwe ho vha hu Muya Mukhethwa, lavhelesani uri vhatshilo hanu vhu tshimbila hani u bva heneffho. Zwi do amba uri ndi myua ufhio we wa da kha inwi.

<sup>162</sup> Ni nga amba nga ndimi kana ni si ambe. Fhedzi ndi ngani vha Pentekostała vho ita zwithu zwi ofhisaho nga u ralo? No fara izwo. Ndi ngani vha Pentekostała vho ita izwo? Ngani? Ngauri, u rangani, musi Mudzimu a tshi thoma u vhuyedzedza murahu, miňwaha ya fuiňa yo fhiraho, u humisela dzimpho murahu, muňwe muthu a thoma u amba nga ndimi. Huno u amba nga ndimi ndi mpho ḥukhusa, u ya nga pfunzo ya Paulo, kha mpho dzothe. “Thukhu ya dzimpho dzothe, ndi u amba nga ndimi.” Huno nga tshihadu musi vho zwi ita, vhothe vha takala vha ita dinomineisheni, huno vha i vhidza Fulo la Khoro, ine ya vha Khuvhangano ya Mudzimu.

<sup>163</sup> Zwino, ndo amba na vhaňwe vha vhanna vha khwiňe vhavho, vha vhučali vhavho vha khwiňe, huno vha ri, “Mukomana Branham, u khou amba zwone. Fhedzi ri do ita mini zwino? Arali ra nga tou vuwa ra lwa nazwo, ri do rahelwa nnda. Huno zwivhidzo zwashu zwi do humbula mini nga riňe? Musi, ro vha funza lwa miňwwaha, ro no vha funza lwa miňwaha, uri, ‘Vhučanzi ha Muya Mukhethwa ndi u amba nga ndimi.’ Zwi do vha hani ra shanduka zwino?” Hezwo ndi samba la dinomineisheni.

A hu rendwe Murena! A ri na dinomineisheni. Sa musi Muya u tshi ranga, ri a Zwi dzhia.

Ndovhedzo ya Muya Mukhethwa ndi tshenzhemo tsha muthu ene muňe.

<sup>164</sup> Ndo no vhona vhatu vha tshi khou amba nga dzindimi. Ndo no vhona vhaloi na madzolokwe. Mufunziruňwa muňwe na muňwe u divha zwithihi, we a vhuya a shuma na vhuloi na vhodiabolo. Ndo no vha vhona vha tshi khou ima vha amba nga dzindimi, huno vha posa tshika murahu ha dziňhoho dzavho, huno vha qitumula nga mapfumo, huno vha amba nga ndimi na u dici ťalutshedza. Huno ni ri izwo ndi Muya Mukhethwa? Ngohongoho, a si wone. Ndi diabolo.

Yesu ha ngo vhuya a ri, “Nga ndimi dzavho ni do vha divha,” fhedzi, “Nga mitshelo yavho ni do vha divha.” Huno Vhaefesa 5:1 i ri, hezwi, “Mutshelo wa Muya ndi lufuno, dakalo, mulalo, u kondelela, vhuči, u dzika, u lindela, vhulenda, lutendo, u difara.” Izwo ndi zwone? [Tshivhidzo tshi ri, “Ameni.” —Mudz.] Khezwo.

<sup>165</sup> Zwino, arali ni mu Methodisi, hedzo tshaka idzo dza mitshelo dici a ni tevhela, uri a ni ḥavhanyi u kwatisiwa, huno na halifha sa saha; arali ni na u lindela, ngauri ni na lufuno, huno ni a takalela muňwe na muňwe; arali lufuno lwanu lwa u thoma hu Kristo, lwa vhuvhili ndi muthu nga iňwi, litšani inwi ni vhe wa vhuraru, u tsa sa zwezwo; arali ni tshi khou tshimbila ni tshi ya, ni na u kondelela, u dzika, u lindela, lutendo. “Nñe nñe,” ni ri, “Muya wa Murena u kha nñe. Huno hu na phodzo Khethwa. Muya Mukhethwa ndi muthihi na ñamusi.”

<sup>166</sup> Zwino, ni ri, “Imani lwa miniti. Ndo funzwa kha tshivhidzo tsha Kristo. Mađuvha a madembe o fhira.” Ni na diabolo. Izwo ndi zwone.

Ni ri, “Zwo luga, ri tea u lovhedzwa. Kha Bivhili, a hu na zwithu zwo raloho zwa u lovhedzwa nga dzina la ‘Khotsi, Murwa, Muya Mukhethwa.’ Ndi a zwi vhona zwino. Zwi Maňwaloni. Ndi Dzina la Murena Yesu. Huňwe na huňwe, ndi Dzina la Murena Yesu.”

<sup>167</sup> “Imani lwa minete, ri do ni rahela nn̄da ha Khuvhangano.” Ni papamala kha izwo, ni na maya u si wone kha iňwi. Ni khou thetshelesa pfunzo i si yone, kana muporofita a si ene.

<sup>168</sup> Zwino, itanu wana fhethu huthihi he ha vhuya ha lovhedzwa, nga dzina la “Khotsi, Murwa, Muya Mukhethwa,” huno ndi do dinekedzela kha iňwi. Ndi do ni sumbedza, fhethu huňwe na huňwe, vho lovhedzwaho nga Dzina la Murena Yesu. Zwino, ndi nnyi a re kha ngoho, Khuvhangano kana Bivhili?

<sup>169</sup> Arali na ri, “Zwo luga, ndo tou shashwa. Thendo kha Mudzimu, hezwo ndi zwavhuđi kha nn̄e. Ni tou vha ni si na pfunzo yo eđanaho. Ndi a ni vhudza, vha shasheni. Zwi ita phambano ifhio, u shela mađi kana u ngwandamedza fhasi?”

A thi na ndavha uri zwi vho—zwi vhonala unga mini. Bivhili yo ri u lovhedziwa. Huno u *lovhedza* zwi amba “u ngwandamedzwa.”

Ni ri, “Zwi ita phambano ifhio?”

<sup>170</sup> Zwo luga, ngavhe—arali Mudzimu o vhudza Mushe, “Bvula thovho dzau; u fhethu hukhethwa”; Mushe a ri, “Hezwo ndi thaidzo khulu. Ndi do tou bvula munadzi wanga; ndi tea u vhofholola thovho dzanga”? A zwi nga do nga ndi zwavhuđi? Hai, munę wanga. Mudzimu o vha a sa tsha do amba nae u swikela a tshi bvula thovho dzawe. [Mukomana Branham u khokhonya kha phuļuphithi luņa—Mudz.]

Huno Mudzimu ha nga do vhuya a amba na tshivhidzo u swikela tshi tshi vhuya murahu kha athikili na maitele Kristo a vheya, huno a tshi dinomineithiwi nga zwiňwe zwipfi kana inwe dinomineisheni uri i tshi kokodzela nga *hangeno* na *hangei*. Vha do tea u vhuya murahu kha u tenda mađembe, u tenda kha zwiga, u tenda kha Muya Mukhethwa, u lovhedzwa nga Dzina la Yesu Kristo, huno na zwiňwe zweithe. Vha do tea u vhuya murahu kha Izwo, kana Mudzimu ha nga ambi navho. Hezwo ndi zwone zwavhukuma-kuma. Hafho ndi hune tshivhidzo tsha vha hone.

<sup>171</sup> Ndi ngazwo ri si dinomineisheni. Ndi ngazwo ri sa weli kha dinomineisheni.

Ri tenda kha Bivhili. Huno hu na zwithu zwinzhi ngomu Hafho zwine a ri zwi ñivhi; zwinzhi vhukuma. Fhedzi, “Ri khou ima ro vulea, Murena Yesu. Zwi dzumbulule.”

Huno ri ḋo tshimbila kha Tshedza, ndi Tshedza  
tsha vhudi,  
Tshi bva hune mashotha a ḋawando wa  
khathutshelo a penya;  
A Penya hoṭhe u mona na riṇe, nga masiari na  
nga madekwana,  
Yesu, Tshedza tsha shango.

Hu si Methodisi, Baphuthisi, Phuresibatheriene; fhedzi,  
Yesu, Tshedza tsha shango.

Vhoiṇwi noṭhe vhakhethwa vha Tshedza  
tanzielani,  
Yesu, Tshedza tsha shango;  
Zwenezwo dzibele dza Ṭaḍulu dici ḋo lila,  
Yesu, Tshedza tsha shango.

Muṇwe na muṇwe, kha tshivhumbeo tsha u losha zwino.

Ri ḋo tshimbila kha Tshedza, tsha vhu-... (Lu  
fareni lwa miniti, ni a vhona.)  
Idani hune mashotha a ḋawando wa  
khathutshelo a penya;  
Penya hoṭhe u mona na riṇe, nga masiari na nga  
madekwana,  
Yesu, Tshedza tsha shango.

<sup>172</sup> A si khwiṇe ni tshi vha na Yesu na Ipfi ḥawē, u fhira u vha na  
miniwe mihungula ya dinominesheini nga hazwo? Ndi vhangana  
vhane vha nga vha vha na Yesu na Ipfi ḥawē? [Tshivhidzo tshi ri,  
“Amen.”—Mudz.]

Zwino, wanani fhethu huthihi hafha hune Mudzimu o vhuya  
a ta dinomineisheni. Wanani fhethu huthihi hune O no vhuya a  
vheya mureri wa mufumakadzi kana a ta muthihi, Maṇwaloni.  
Wanani fhethu huthihi hune muṇwe muthu o vhuya a shashwa  
kana u shelwa. Wanani fhethu huthihi hune muṇwe muthu  
o vhuya a lovhedzwa nga Dzina ḥa Yesu Kristo, huṇwe na  
huṇwe, ndi tshinwe na tshinwe fhedzi Dzina ḥa Yesu Kristo;  
hu si “Khotsi, Murwa, Muya Mukhethwa.” Wanani he muthu  
muthihi a vhuya a lovhedzwa nga dzina ḥa “Khotsi, Murwa,  
Muya Mukhethwa.” Idani ni ntsumbedze. Hune, muthu muṇwe  
o lovhedzwa nga Dzina ḥa Yesu.

<sup>173</sup> Zwino ri khou ya kha zwithu zwo dzivhafhalaho u fhira  
hezwi. Zwino ri khou ya kha “vhuṭanzi ha u ranga,” na zwiṇwe,  
huno na u tou vhona uri zwi gai.

Zwino, arali vha funza zwo fhambanaho na izwo, vha khou  
funza zwithu zwi si ho Bivhilini.

<sup>174</sup> Humbulani, ndi khou ni humbelia fhethu huthihi hune  
ho vhuya ha vha na dinomineisheni. Ntsumbedzeni huthihi.  
Zwenezwo muṇwe muthu o khakha. A thi khou humbelia uri arali  
hu na muṇwe afha huno na muṇwe afho, khaṇwe, arali muṇwe

o vha a sa khou ralo. Ndi khou ni sumbedza. Ntsumbedzeni fhethu huthihi he ha vhuya ha vha na dinomineisheni, miñwaha ya madana mararu phanda ha lufu lwa muapostola wa u fhedza. Ntsumbedzeni he ha vha na dinomineisheni nthihi nga nn̄da ha tshivhidzo tsha Katolika tshe tsha i thoma. Ntsumbedzeni fhethu huthihi hune Bivhili a i hañuli dzidinomineisheni. Zwino ndi ngani ni dinomineisheni?

<sup>175</sup> Ntsumbedzeni fhethu huthihi, zwino, fhethu huthihi, fhethu huthihi he muñwe muthu o vhuya a shashwa, u itela khangwelwa ya zwivhi. A thi khou amba huthihi *hafha* na *hafhalā*. Zwino ntsumbedzeni fhethu huthihi kha Mañwalo oþe. Ntsumbedzeni fhethu huthihi kha Mañwalo oþe he muñwe muthu o vhuya a shelwa, u itela khangwelo ya zwivhi zwawe. Ntsumbedzeni fhethu huthihi he muñwe muthu o vhuya lovhedzwa nga dzina la Ye-... Khotsi, Murwa, Muva Mukhethwa. Fhethu huthihi fhedzi, muthu muthihi, hune muñwe muthu o vhuya a lovhedzwa nga dzina la “Khotsi, Murwa, Muva Mukhethwa.”

Ntsumbedzeni fhethu huthihi hune Mudzimu a vheya mureri wa mufumakadzi tshivhidzoni, kana he a vhuya a amba uri a ite nga ralo. Zwi gai?

Heyo ndi khaedu khulwane. Fhedzi ndi khou ḥoda u wana mbudziso yañu, zwino, dzo dzula kha phuluphithi, dzi tshi ntsumbedza hune tshithihi tsha izwi zwa wanala; madekwana a ñamusi, ndi ðo humbela pfarello. Arali zwi si zwone, zwenezwo arali ni so ngo swikelela idzi ḥodeea, zwenezwo ndi ngani ni sa dici swikeleli? Idani ni vhe muthihi washu. Ni ene, naho, nga khonadzeo.

<sup>176</sup> Arali dzina ñanu li kha Bugu ya Ngwana ya Vhutshilo, ni do tshimbila Tshedzani, ni ðo vhona Tshedza. Mudzimu u ðo Tshi dzumbulula, huno ni ðo tshimbila Khatsho. Izwo ndi zwone zwavhukuma-kuma. Ni a vhona?

<sup>177</sup> Zwino mini? A thi khou ni humisela murahu tshivhidzoni. Ndi khou ni humisela murahu Bivhilini. Zwino, Paulo o ri mini? Paulo o ri mini? “Arali muruñwa wa Ṭadula a rera zwiñwe zwithu nga nn̄da ha *Hezwi*, mu litsheni o señwa.”

<sup>178</sup> Mudzimu o ri, “Litshani ipfi la muthu muñwe na muñwe li vhe mazwifhi, huno Langa li vhe Ngoho.” Zwenezwo a thi na ndavha zwine tshiriwe tshivhidzo tsha amba, Pentekostaña, Baphuthisi, Phuresibatheriene. Ipfi la Mudzimu ndi Ngoho. Ndi ngani vho thoma izwi? Nga nñhaní ha dzidinomineisheni.

<sup>179</sup> Khuvhangano ya Pentekostaña ya Mudzimu, ñamusi, i nga ñea tshiñwe na tshiñwe, henefho vhukati ha dzimbilu dza vhareri vhanzhi, arali vha sa athu thoma dzidogima dza “vhuñanzi ha u ranga: u amba nga dzindimi.” Vha ya zwi divha uri hezwo zwo khakhea. Zwi nga si khwathisedzwe. Zwavhukuma-kuma zwi nga si ralo. Ndi nga ni lingululela nga Bivhili ya Mudzimu uri a ni ḥanganedzi Muva Mukhethwa nga u

amba nga dzindimi. A zwi ho Hafha. Oo, ni elekanya; ee, ngoho-ngoho. Zwo ḥwaliwa zwi tsinisa u swikela hune zwa ḥo xedza Vhanangwi. Ni a vhona?

“O zwi dzumba kha maṭo a vhaṭāli na vha nđivho, huno a zwi dzumbululela vhana.” Ndi nzumbululo ya tshimuya. Ni lavhelese nzumbululo i tshizwi kwama, huno ni zwi lavhelese zwi tshi penya. Ni a vhona, khezwo. Ni a vhona? Izwo ndi zwithu zwine na khou ḥoda u sedza, khonani, ni a vhona, zwi heneffo.

<sup>180</sup> Ri livhuwa Mudzimu nga Muya Mukhethwa Une wa vha Mudededzi washu. Huno Ha sokou bvela nda a wana miňwe mihumbulo ya tshiphirini, huno a i qisa afha huno a ri “Oo, hařeluya! Khezwi afha, ngoho, zwo ḥwalwa heneffha. Hařeluya!” Muya Mukhethwa u humela murahu huno wa ni tshimbida kha Maňwalo, wa zwi vheya khagala, u tshimbila na Maňwalo. Ni a vhona? Hafho ndi musi ni na Ngoho. Hezwo ndi zwone-zwone. “Ngauri fhungo li tea u vha n̄tha ha fhungo na n̄tha ha fhungo, huno mutalo n̄tha ha mutalo.” Heyo ndi yone nđila ye Bivhili ya amba uri zwi itwe.

<sup>181</sup> Ni ri, “U a haṭula dinomineisheni?” Hai, muňe wanga. “U a haṭula vhareri vha vhaftumakadzi?” Hai, muňe wanga. “U a haṭula u amba nga ndimi?” Hai, muňe wanga. “U a haṭula vhatu vho lovhedzwaho nga dzina ḥa ‘Khotsi, Murwa, Muya Mukhethwa?’” Hai, muňe wanga. Hai, muňe wanga. Fhedzi, ndi ri, arali vha tshi divha khwiňe zwino, Mudzimu u ḥo vha vhona mulandu arali vha sa tevhele kha Tshedza. Ni nga vha ni sa zwi ḥivhi u swika zwino, fhedzi ni a zwi ḥivhi u bva zwino. Ni a vhona?

Zwino, arali ni sa humbuli uri Ndi zwone, ḥolani Maňwalo. Zwenezwo ni wane fhethu hanu, huno ni vhuyé murahu ni zwi vheye kha ḥafala madekwana a ḥamusi, huno ri ḥo vhona arali zwi zwavhukuma kana hai. Zwenezwo iňwi iyani ni Zwi ḥole, ni na muhumbulo wo vuleaho, mbilu yo vuleaho.

<sup>182</sup> Zwino, hezwo, zwino, heyi pfunzo yo raliko ndi ya Theberenekele ya Branham fhedzi, ni a vhona, heneffha, heneffha fhedzi. A hu na . . .

<sup>183</sup> Ndi tama yo vha i si “Theberenekele ya Branham.” Ndi tama yo vha i tshi tou vhidzwa u pfi “Theberenekele,” i si na dzina ḥanga ḥo fareledzwaho khayo.

<sup>184</sup> Ndi khou humbulu u shandukisa hetshi tshivhidzo . . . Nothe ni a ḥivhi, musi ri tshi tshi renga, ndo tshi renga musi ndi tshi khou shuma kha Public Service Company. Huno nda vheya hezwi zwithu hafha, huno nda sokou i vhidza hezwo ngauri Mukomana Seward na vhaňwe vho ḥumetshedza dzina ḥanga khayo musi vha tshi i vheya kha nyito phasi heneffo. Nga tshihadu musi ndi tshi bvisela khagala izwi zwithu zwine ra vha khazwo zwino, hetshi tshivhidzo tshi khou ya u shandukisa kha izwi, tshitshavha, huno zwe sokou ḥnewa; dzina ḥanga ḥa bviswa khazwo.

<sup>185</sup> A thi humbuli uri dzina ḥanga li tea u vha kha hetsho tshivhidzo. A tsho ngo fanela u vha “Theberenekele ya Branham.” Tshi tea u sokou vha tshivhidzo, “Tshivhidzo tsha Murena Yesu Kristo,” kana zwithu zwi ngaho izwo. “Theberenekele ya Murena,” ni a vhona, “Fhethu ha u dzula,” “Nndu ya thabelo,” kana zwińwe zwithu, zwińwe-vho, tsho newa luńwe lushaka lwa dzina. Tendelani tshivhidzo tshi ḥange dzina latsho. Dzina ḥanga, ndi—ndi tou vha muthu zwawe. Dzina ḥanga a li fanelwi u vha kha izwi, hu si u fhira tshińwe tshithu. Mbuno ya uri tshi vhewe dzina ḥanga kha izwi, ndi ngauri dzina ḥanga lo vha li kha bofho, ni ri, “Billy Branham.” Ni a vhona? Huno a li tei u vha afho. Hai, mune wanga. Tshi tea u vha tshivhidzo tsha tshitshavha. Hezwi, hezwi zwi tea u vha zwa kha—kha tshivhidzo fhano.

<sup>186</sup> Huno itshi tshivhidzo tshi na ndango. A hu na khoro ya vhalangandaka kana madikoni ane a do ni vhudza uri ni ite mini. Hetshi tshivhidzo, nga khetho dzothe, tshi ni vhudza uri ni ite mini. Hezwo ndi zwone vhukuma, arali hu na tsheo.

<sup>187</sup> Arali ni sa takaleli Mufunzi wa vhoiñwi, huno hu na vhathe vhabhili kana vhararu vha re na zwithu zwi lwaho na mufunzi, vha nga si takuwe na madikoni avho, vhalangandaka, vha nga vha kha vhuofisiri hune vha vha khaho. Vha tou vha na khetho nthihi. Zwo fhelela afho. Arali a muthusi wa mufunzi, u tou vha na vouthu nthihi. U di tou nga murado ane a dzula murahu. Vouthu dzothe dza tshivhidzo dici dzudzanya mafhungo. Huno izwo ndi zwone. Hezwo—hezwo ndi zwone. A hu na khoro ya madikoni ine ya bvisa mufunzi, kana a hu na mufunzi ane a bvisa khoro ya madikoni. Tshivhidzo tshi ita izwo, kha vouthu dza guþe dza zwithu dzothe.

<sup>188</sup> Ndi ndango nga yone iñe. A ri na vhabishopho. A ri na vhalangi vha guþe. Ri na Yesu. Amen! Ndi Ene Mubishopho. Ndi Ene Mulangi wa guþe. Ndi Ene Mufunzi Muhulwane. Ndi Ene Khosi. Ndi Ene Murena. Ndi Ene Mufhodzi. U Zwothe-na-Zwothe. Huno ri tou vha vhalanda Vhawe, ri tshi khou tshimbila kha Tshedza. Amen.

<sup>189</sup> “Huno o vhea vhańwe Tshivhidzoni.” Mini? “Tshivhidzoni,” kha Muvhili. “O vhea vhańwe heneffo.” Mini?

“Vha u thoma vhaapostola,” havho ndi vhaftuziruňwa. Ri na muthihi hafha kha hetshi tshivhidzo zwino, mutukana muþuku o dzulaho murahu fhaþa, þama yanga, murathu, ndi mu vhidza Creech Jefferies. Hezwo ndi zwa u thoma, mbidzo ya nthesa, mufunziruňwa. Ni ri, “Muapostola ndi mufunziruňwa?” Ndi zwone. Tuwani ni lavhelese kha þalusaipfi huno ni wane uri apostola zwi amba mini; zwi amba, “o rumiwaho.” Iyani ni sedze, na uri mufunziruňwa zwi amba mini, “o rumiwaho.” Zwithu zwithihi. Mbekanyo khulwanesa ndi mufunziruňwa ane

a pfuka malwadzhe u itela Murena Yesu. Khulwane, “U ranga ndi vhapostola.”

<sup>190</sup> “Wa vhuvhili, vhaporofita.” Muporofita ndi mini? Mu vholi. Hu si ane a tou zwi ita . . .

Hu si muapostola ane a ita vhunga mufunziruňwa huno a dzula hayani, fhedzi ane a tou vha mufunziruňwa vhukuma.

Huno muporofita, muvhoni.

<sup>191</sup> Vhaapostola, vhaporofita, vhadededzi, vhaevangeli, vhafunzi, hezwo ndi zwine Muvhili wa vha nazwo.

Kha hoyo muvhili, zwenezwo, hu na mpho dza ṭahe dza tshimuya. Irwe yadzo ndi vhuṭali, ndivho, Phodzo khethwa, u amba nga ndimi, u ḥalutshedza dzindimi, na hedzi mpho dzothe dici re kha hoyu muvhili.

Huno havha vhaapostola, vhafunzi, vhadededzi, na vhaevengali, vhothe vha hone fhano u vha na vhuṭanzi hazwo, kha hedzi mpho, hezwi zwithu zwi khou shuma zwone. [Mukomana Branham u rwekanya muňwe wawe luthihi—Mudz.] Arali vha wana zwiňwe zwithu zwi si zwone zwi tshi khou takuwa, nga u tou ḥavhanya vha ya zwi haṭula, ngauri a zwi yelani na Maňwalo.

Irani muňwe muthu a de hafha, a ri, “Mudzimu nga fhaṭutshedze, ndi na oili zwandani zwanga. Lavhelesani *afha*. Ni a divha, Ndi—ndi—ndi a tenda ndi na Muya Mukhethwa, huno ndi na oili zwandani zwanga.”

<sup>192</sup> Ni do pfa muňwe muthu a tshi ri, “Hezwo a zwi ho Maňwaloni.” Izwo ndi zwone. “A ri zwi dzhie huno ri ye kamarani. A ri ḥole Maňwalo othe. Ntsumbedzeni Maňwaloni uri zwi gai izwo, vhuṭanzi ha Muya Mukhethwa.”

<sup>193</sup> Muňwe uri, “Oo, ndo amba nga dzindimi. Ndi Nawo.”

“Ntsumbedzeni kha Maňwalo uri ndi vhuṭanzi ha Muya Mukhethwa.” Izwo ndi zwone.

<sup>194</sup> “Oo, Murena o mmbidza uri ndi rere,” hu amba muňwe mufumakadzi.

“Ntsumbedzeni kha Maňwalo he a ita izwo.” Ee.

<sup>195</sup> “Oo, ndi a zwi divha Murena o mmbudza. O mphathutshedza hovhula vhusiku he nda lovhedzwa nga dzina la ‘Khotsi, Murwa, Muya Mukhethwa.’”

“Ntsumbedzeni Maňwaloni hune na tea u ita izwo.”

<sup>196</sup> “Zwo luga, ndi wavhudzi sa muňwe na muňwe, huno ndi wa Methodisi, kana wa Baphuthisi, kana wa Phuresibatheriene. Ndi wa Pentekostała.”

“Ntsumbedzeni kha Maňwalo he Mudzimu a amba izwo.” Ni a vhona? Izwo ndi zwone. A zwi ho hafho.

<sup>197</sup> Zwino, hu na khaedu khulu yo vuleaho kha vhoinwi mirađo ya heyi theberenekele. Hu na khaedu khulu yo vuleaho. Zwino, arali na wana tshithu tshithihi tshine na humbula uri tsho khakhea, tshe nda amba ano matsheloni, tshithu tshithihi tsho fhambanaho na Luñwalo, ni a vhofhea u vhea izwo kha phuluphithi madekwana a ḥamusi. Izwo ndi zwone. Ni tshi dise na tshi vheya afha. Ntsumbedzeni Luñwalo, ndimana kha Bivhili ine ho vha hu na dinomineisheni, uri Yesu o ita dinomineisheni, kana zwiñwe zwa izwi zwe nda funza. He a vhuya a tendela huno a vheya mufumakadzi tshivhidzoni, sa mureri; he a vhuya a tendela u shashwa, u shelwa; kana—kana zwiñwe zwithu zwa holwo lushaka lwa zwe nda vha ndi khou amba nga hazwo. Zwi vheyeni afha.

Zwenezwo, madekwana a ḥamusi, ri khou ya kha, arali Murena o funa, u “ndovhedzo ya Muya Mukhethwa,” na kha “mbeu ya ḥowa, na ya mufumakadzi.” Zwoþhe two luga. Murena a ni fhatutshedze. Ndi vha ngana vhané vha khou pfa vha vhavhudí?

Oo, ndi khou pfa u nga ndi khou tshimbila ndi  
tshi ya,  
Oo, ndi khou pfa u nga ndi khou tshimbila ndi  
tshi ya;

Zwino imbaní izwo lu ðifhelelaho kha Murena.

Haya hanga Taðulu hu khou penya nahone ndi  
havhudí,  
Huno ndi khou pfa u nga ndi khou tshimbila  
ndi tshi ya.

Oo, ndi khou pfa u nga ndi khou tshimbila, u  
tshimbila ndi tshi ya,  
Oo, ndi khou pfa u nga ndi khou tshimbila, u  
tshimbila ndi tshi ya;  
Haya hanga Taðulu hu khou penya nahone ndi  
havhudí,  
Huno ndi khou pfa u nga ndi khou tshimbila  
ndi tshi ya.

[A hu na tshithu kha theiphi—Mudz.]

<sup>198</sup> Zwino, ho tou vha na tshithu tshithihi u bva tshe nda vha kha hetshi tshikhathi tsha u awela lwa hedzi vhege þukhu, ndo wanulusa, uri ho vha na khakhathi kha nñe. Huno ndi khou tðoda u zwi bula zwino kha tshivhidzo. Ndo dzula murahu ha miri ilá ya muoko na muhikori, fhasi hafho ndi tshi khou guda, “Ndo ita gai phoswo yanga ya u thoma? Ndi tshini tsho itaho uri ndi khakhe? Ho vha hu mini?” Ni a ðivha uri ndo wana uri ndi mini tshine tsha nnyita uri ndi khakhe? Hu na zwiñwe zwithu zwi no khou itea n̄tha ha khoro na tshiñwe tshithu. No vha ni tshi ðivha izwo? Ni nga edzisa u vha ane zwoþhe two luga, huno na edzisa

u vha wavhudzi, huno ni nga vhesa wavhudzi. Huno ndo tendela vhatu vha tshi nnyita zwine vha funa. Ni a vhona?

Vha do ri, "Zwo luga, Mukomana Branham, iwe dai ngeno. Murena o mmbudza uri ndi u hudze izwi."

"Zwo luga, zweθe zwe luga, murathu, khezwi ndi a da."

"Oo, Mukomana Branham, u so ngo ya *hangei, fhano*."

<sup>199</sup> "Zwo luga, khañwe a thi tei uya hafhalā." Ni a vhona? Huno ni nga si ñivhe uri ni ite mini. Izwo ndi zwone zwine zwa ita uri ndi tshenuwe.

Ndi khou ya hune Murena a nthanga uri ndi ye, huno a thi na ndavha uri muñwe muthu uri mini nga hazwo. Ni a vhona? Izwo ndi zwone zwone. Ngauralo, A thi nga vhaisi zwipfi.

<sup>200</sup> Huno ndo limuwa zwiñwe zwithu. Vhana vhanga n̄tha hafho vho no vha tshigwada tsha vhagunguli, u zhamba nga madekwana, huno na tshiñwe na tshiñwe, vhatu vha khou dzhena vha tshi bva nduni hangei, tshifhinga tshoθhe, vhatu vha kho u bva huñwe na huñwe. A thi vhoni mulandu vhatu kha izwo, vhatu vha lwalaho. Fhedzi ri na izwo zweθe zwe dzudzanyiwa.

Huno fhano tshivhidzoni, musi ndi tshi da u fara muñangano, ngani, ndi a swikelela kha u ṭoda u ḥengeledza, u bva nn̄da ha tshivhidzo, ngauri vhatu vha khou farelela, kha *izwi* na *zwiña*. Ndo neta vhukuma, huno tshiñwe tshifhinga ndi tshi bva kha tshumelo ya phodzo, huno a thi tou vha wavhudzi khavho, ndi ri . . .

"Ni ri, Mukomana Branham, Murena o ri . . ."

"Ee. Musi ri tshi da afha, iyani kha . . ." Hezwo a si zwavhudzi. A thi tei u ita izwo. A ri tei u ita izwo.

<sup>201</sup> Zwino ro ita ndugiselo dza u londota izwo. Huno zwino, humbulani, nnyi na nnyi ane a ṭoda . . . ndi khou ṭoda u vhona muñwe na muñwe. Nahone ndi khou ṭoda u vha na tshifhinga, huno nda amba na vhatu. Heyi ndila, ni nga si kone. Ni wana muñwe muthu ngomu afho, na, tsha u thoma tshine na tea u ñivha, tshifhinga tshanu tshoθhe tsho fhelela kha muthihi, huno—huno a ni koni u swika kha u vhona muñwe-vho. Huno izwo a zwo ngo fanela. Vhatu vha bva kule, u tou vha na maipfi mañuku na iñwi. Huno arali Mudzimu o—o ḥea avho vhatu lutendo kha nne, u tenda izwo, vho fanelwa nga tshifhinga tshiñuku tsha u funziwa. A ni tei u sokou vha sukumedzela kule, na ri, "Hai, a thi vhoni muthu." Izwo a si zwavhudzi. Ngauri, ndi khou ofha u zwi ita, ngauri . . .

Muñwe muthu u da nahone a ri, "Zwino, Murena u mmbudza, Mukomana Branham, uri u tea u ita *tshiñwe, tshiñwe* tshithu. Holwu ndi—holwu ndi lufuno lwa Murena zwino." Murena u do mmbudza lufuno Lwawe. Ni a vhona?

<sup>202</sup> Vho. King, ndi vhanganā vhanē vha humbulā R. A. King, o vha a tshi dzulela u da afha, o vha a fhasi afho? O ri... Ndo vha ndi tshi khou fhaṭā tshikwekwete n̄tha hafho, tshiñwe tshifhinga. A ri, “Zwino, Mukomana Branham, u fhaṭā itsho tshikwekwete u ya nga ndavhelelo dzau.”

<sup>203</sup> Ni ri, “Ndo vha ndi khou fhaṭā... Kana, muñwe munna o vha a tshi khou fhaṭā tshikwekwete tshiñwe tshifhinga, muthanngā a bvelela, a ri, ‘Ni tea u tumula *heyi* pala nga *heyi* ndila.’ Zwo luga, a zwi edzisa nga iyo ndila. Muñwe a ri, ‘Oo, ni tea u zwi ita nga *heyi* ndila, tshiñwe na tshiñwe, dzi—dzi khona na tshiñwe na tshiñwe. Tshikwekwete tshi tea u vha nga *heyi* ndila, nahone phanda hatsho hu tea u vha nga *heyi* ndila, na ḥohō, na murahu, na yone—yone pala ya u endedza.’”

<sup>204</sup> Huno a ri, “Tsho vha tshi tshithu tsho vhifhesaho tshe wa vhuya wa tshi vhona, musi o fhedza.” A ri, “O sokou dzhia tshikwekwete a tshi vhea murahu dzharaṭani. Huno a thoma na u di sahela, a q̄itumulela tshiñwe hafhu.”

<sup>205</sup> A ri, “Muñwe muthu a da huno a ri, ‘A ri, *heyi* ndi ndila ine wa tea u tshi fhaṭā ngayo.’ A ri, ‘Iyo, yo fhaṭiwa nga dziñwe, dzindaelo, tshi murahu dzharaṭani. Ndi khou fhaṭā itshi u ya nga ndila ine nda elekanya uri tshi tea u fhaṭwa ngayo.’” Izwo ndi zwone.

<sup>206</sup> Zwino, Mudzimu, arali A tshi khou ḥoda nne ndi tshi ita tshiñwe tshithu, U do mmbudza zwine nda tea u ita. Arali ni tshi elekanya uri ndi khou khakha kha zwine nda khou ita, kana tshiñwe tshi ngaho izwo, iñwi ni nthabelele, uri Mudzimu a nkombamulule. Ni a vhona? Ngauri ndi nga si thetshelese vhanzhi-vhanzhi.

<sup>207</sup> Zwino, vhoiñwi afha khañwe tshivhidzoni, ni tea u thetshelesa khañwe kha muthu muthihi kana vhavhili, fhedzi nne afha ndi ya kha vha zwigidi zwi na fumi. Ndi nga zwi ita hani? Zwenezwo nda ri, “Phanda ha musi ndi tshi ela muñwe muthu phindulo, ndi khou ya u dzula fhasi nahone nda zwi guda zwa vhukuma, ndi vhone uri ndi ifhio ndila ine Muya Mukhethwa wa ranga phanda. Zwenezwo ndi khou ya u mu vhudza ene wa munna kana u mu vhudza ene wa mufumakadzi, hu nga vha nnyi, huno iyo ndi tsheo yanga. Ndi do ima ngayo. Izwo ndi zwone, dzulani heneffho.”

<sup>208</sup> Zwino, dzinyambedzano dzo lugiswa. Nnyi na nnyi o no khou ḥoda u mmbona, zwo luga vhukuma-kuma, arali na founela Butler 2-1519. Itanu lavhelesa kha bugu ya thelefoni nahone ni wane William Branham, Butler 2-1519, ndugiselo dzi do itwa u itela dzinyambedzano. [Nomboro ya thelefoni yo shandukiswa—Mudz.] I do vhewa fhasi, tshifhinga na fhethu ha u ita. Huno ndi nga ḥangana na muthu muñwe na muñwe, vhonanani navho, u vha thusa nga thaidzo dzavho na zwithu. Fhedzi thi nga si kone u ya ngomu nda fhedza ḫuvha na muthihi,

na awara nna kana ḥthanu na *uyu* muthihi, huno ḥuvha li tevhelaho nda pfukwa nga zweṭhe. Ri na tshifhinga tshinzhi vhukuma. Ri vha vhudzisa zwiñe vha ṭoda, na uri tshifhinga tshingafhani, nahone ra zwi di sa afha fhasi. Huno ra vhona muthu muñwe na muñwe. Izwo ro zwi wana.

<sup>209</sup> Huno munna a no do fhindula luṭingo hu do vha Vho. Mercier hafha, kana Vho Goad, vho dzulaho afho. Huno vha do dzudzanya izwo buguni yanga zwavhuḍi, zwo tou ralo, u itela nyambedzano, nahone ndi do vhona muthu muñwe na muñwe.

<sup>210</sup> Arali hu thaidzo yo khetheaho, arali hu nga tshifhinga tsha tshumelo ya thabelo zwino, ya vhalwadze, disani vhalwadze vhaṇu na vho thupheaho ngomu huno ni vha litshe vha thetšeles vhusiku kana mavhili, zwino. Ri do rabelela idzo dzithaidzo dla tshihadu.

<sup>211</sup> Fhedzi zworalo, murahu ha masiku o vhalaho, ndi khou ṭoda u thoma kha vhusumeli hanga vhuswa, nahone ndi khou ṭoda u vha vhusa murahu hafha kamarani. Ngauri, ni a divha bono. Ndi vhangana vhanne vha humbula bono? Zworalo, ni a ralo. La dennde liṭuku kamarani.

<sup>212</sup> Zwino, ndi khou ya u da na Meda ngomu, vhusiku ha u thoma, u itela u rumelwa ha vhasadzi ngomu. Huno zwenezwo arali zwa... Ndi vhone uri zwi do shumisa hani ndi nae ngomu afho. Huno zwenezwo arali zwa sa shuma zwone, nga iyo nqila, zwenezwo ndi do shanduka nda rumela vhasadzi vhavhili nga tshifhinga tshithihi, u dzenisa vhasadzi vhavhili nga tshifhinga tshithihi, ngauri vha khou da fhethu hune ha tou vha na munna fhedzi. Ni a vhona? Huno izwo, ngauri, ri na mihumbulo yo kunaho. Fhedzi diabolo ha na yo nn̄da hafho, ni a vhona, ngauralo u do humbula mini nga hazwo, ni a vhona, na zwine shango la do amba.

Fhedzi ndi vhusumeli vhune ndi nga si tendele vhu tshi dihiwa kha tshi tshavha. A huna na muthihi ane a do edzisela izwi. Ni a vhona? Hai, muñe wanga. Hai. Ndi a zwi divha uri zwi luthaṭheni zwino. Ndi tou vhonala unga ndi nga zwi swikelela nda zwi fara. Zwo dzula heneffho.

<sup>213</sup> Vhusiku ho fhiraho ndo vha ndi khou lora phanḍa ha musi ndi tshi vuwa matsheloni ano, Mukomana Neville. Ndo—ndo vha ndi khou lora. Huno nda elekanya uri vhusumeli... A thi divhi zwe nda vha ndi tshi khou ita. Fhedzi, tshini na tshini tshe tsha vha tshi tshone, oo, ni amba nga ha zwithu zwi tshi khou itea, a thi athu u vhona izwo. Ndo vuwa ndi khou lila, ndi tshi khou renda. Nda rwa mufumakadzi wanga khofheni nga tshanda tshanga, vhunga izwo—vhunga izwo, ndi khou sokou renda Mudzimu, ndo eđela heneffho.

Oo, Ndi—ndi a divha uri hu na tshinwe tshithu hafha tshi ne ndo lugelaho u tshi swikelela nahone nda tshi fara. Tshi khou ya u vha tshihulu u fhira zwe tsha vhuya tshavha. Tshi khou

ya u vha tshavhuđi. Ndi a tenda uri Mudzimu u khou lugisa u ita tshiňwe tshithu tshihulu. Fhedzi zwino ri khou tea u tshi swikelela nga muhumbulo wo kunaho, nga vhuđali, nahone kha Ipfi la Mudzimu. Ndi zwone. Oo, ri a Mu funa.

<sup>214</sup> Zwino humbulani, arali muňwe wa khonani dzaňu kana muňwe muthu a tshi khou ḥoda u mmbona nahone a tshi khou ḥoda u amba na nne nga ha zwiňwe zwithu zwiđuku kana zwa tshiphiri, vha litsheni vha founelle Butler 2-1519 huno hu ḥo vha na nyambedzano ino ḥo lugiswa nnđa huňwe fhethu. [Nombororo ya theļefoni yo shandukiswa.—Mudz.] A thi koni u vha nadzo u mona na nnđu nřha hangei, na u mona na thebarenekele hafha, ngauri ni a dzhena afha . . .

Ndi rera u swika vhusiku vhukuma. Nahone ndi dzula afha, ngauri a thi dzuleli u vha na vhoiñwi nga maanda. Huno ndi a ni fareledza u ya nga hune nda kona, u itela u dzhenisa Ipfi liňwe na liňwe ngomu. Ngauri, dzikhonani, hetshi ndi tshone tshifhinga tshi tshothe tshire ri khou ya u ita hezwi. Hezwi zwothe zwi khou ya u fhela, hu si kale. Ri khou ya fhasi muedzini, fhasi na u ya. Lavhelesani avho vho ḥuwaho u bva ḥwaha wo fhiraho, vhe vha vha vhe fhano. Ni a vhona? Ngauralo ri khou tsa fhasi muedzini. Ri khou tea u ita hezwi zwino. Hezwi zwi khou tea u itwa zwino. Huno, zwino, heyo ndi yone mbuno ndi tshi ni fareledza.

<sup>215</sup> Ni ri, “Zwo luga, izwo, zwi nga vha ha ni tsumbo ya Luňwalo u itela izwo?”

Ee, Paulo o rera vhusiku hođhe, vhuňwe vhusiku. Huno munna a wa u bva kha tshifhađo, a di vhulaya. Ndi vhangana vhane vha ḥivha izwo? Zwothe zwo luga vhukuma! Paulo a ya a ladza muvhili wawe nřha haye, a mu pfa, mbilu yawe ya thoma u rwa na mbilu ya uyo muđhannga, a ri, “Hai, o . . .” [A hu na tshithu kha theiphi—Mudz.] 

*NDOVHEDZO YA MUYA MUKHETHWA* TSV58-0928m  
(The Baptism Of The Holy Spirit)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Swondaha, Khubvumedzi 28, 1958, Thabereneakeñeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u so ngo pfufhifhadzwa nga Tshiisimane. Heyi ḥhalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)